

懷古田舍詩  
小節  
鈔



懷古田舍詩

節鈔

武進劉達善題

同治甲子寒  
日琴于錦城



尚後學羅壽康謹樞圖

贊像

堂堂正氣嶽嶽英姿上賈生策續杜陵詩十  
載經師廿季循吏涑水西東牛刀小試解盜  
渤海殺賊睢陽肖有甲兵目無欃槍力疾從  
戎臨危授命百戰功高千秋節勁

帝命崇祀民情去思藥公立社羊傳畱碑未  
畫麒麟空悲鰲鶴遺像清高須眉如眈珠  
江皓月鐵嶺寒雲殲彼小醜式此忠魂

涇陽張芾拜題

懷古田舍詩集節鈔敘

同年鐵孫觀察詩人而非詩人也少時才名雄嶺表藁城一鐸夔屈幾年天將老其才故使之動心忍性歎假使鐵孫僅以詩雄於鄉或竟以司鐸老不過使後之人讀其所作相與震而驚之而已安能爲國爲民不負所學卒置身俎豆間克成正果耶斯世不之聰明穎異之士乃甫能執筆使事跳盪甚且侮老成凌同輩吾不知其於儒行所云近文章砥礪廉隅者曾心解其義否也夫士而能文宜也能文之士而益於國益於家益於心

懷古田舍詩集節鈔敘

身亦祇完其分內耳何與他人事而况虛車之飾徒以浮詞號召壇坫間其胸中所得之淺深亦大可共見矣若鐵孫者以才學始以忠節終其操持之清潔經濟之切實小試耳未大展也然已不朽矣生平精於考核經傳史冊外旁及百家金石雖三典丹經之奧秘莫不怡然渙然其根器固不自塵世來也抑聞之佛道與神道皆心慈悲神道特未除嗔恨金剛努目不如菩薩低眉今鐵孫之脫塵垢凡幾臘矣其必證無上正等正覺乎嗚呼公歸天上我尙人間回憶軟紅塵裏銷金鍋邊文

酒歡娛豈可復得今昔聚散升沈之感爲何如耶令子  
公可奉遺命屬定懷古田舍詩鈔將於西川重鋟梨棗  
既爲酌損之因并糸數言

同治甲子夏日侯官林鴻年謹敘



懷古田舍詩集節鈔

二

徐公傳略

公諱榮原諱鑑字鐵孫先世監利人崇禎中祖應龍遷

瀋陽以驍騎從 龍入關從征廣州駐防漢軍正黃旗

一傳右翼官學教習諱奠貴再傳將軍印務外郎馳封

朝議大夫諱士進三傳 誥贈朝議大夫諱行四傳水

師協領外郎 誥贈朝議大夫諱振遠娶李氏生公公

生時朝議公年四十五矣先是朝議公以米業興其家

中年無子盡散其資以濟貧乏聞有善舉無不爲也公

生九歲朝議公卽棄世嘗語人曰若爲善有報此子不

懷古田舍詩鈔傳略

一

長貧賤矣初駐防無考試例李太恭人承朝議公志課  
之讀書雖貧甚不令改業嘉慶己未

詔許駐防人應童子試附府學丙寅公年十五歲陳務

峯學使考取附生乙亥彭春農學使考取一等補增生

丙子

詔許駐防人應本省鄉試吳謫人殿撰 信中 錢金粟編

修林 取中第二十名舉人時蔣礪堂相國督兩粵勉之

曰旗人開科自范忠貞公始今駐防始開科子首膺其

選勉之母負科名矣丁丑薦不售癸未學海堂試十臺

詩愛知於阮雲臺制軍一時名稱噪甚人皆稱爲徐十臺丙戌

大挑二等歸粵候選阮制軍舉爲學海堂學長丁亥丁李太恭人憂李鹿萃廬屋山兩制軍重其名延之幕中癸巳選授直隸藁城縣訓導藁城去粵七千里襍被攜一僕行同人爲詩文送之謂

國朝出省爲教官自公始也甲午二月到官以教士自任諸生宗仰有若鹿洞丙申應

恩科會試中式第三十六名

懷古田舍詩節鈔傳略

殿試二甲第十七名進士引

見以知縣卽用分發浙江厯署遂昌嘉興縣事杭州理事同知補授臨安縣知縣居官以清勤自矢在遂昌時平反黃羣先等案尤傳誦人口將受代舉人吳世涵等詣府請畱自任以緝捕聽斷教士三事嘗曰古人爲政首言教養今民能自養官爲緝捕使不害其養足矣聽訟遇事教之課士則擇人教之故所至民安之去後思之十餘年外猶時來問遺如親舊然嘆夷擾舟山公時在臨安未滿一月調隨劉玉坡中丞

韻珂

赴鎮海軍營

陳守杭州十二策於中丞中丞悉從之其召募沙勇建  
立義柵挨戶支更諸條至今猶行之又陳選鋒用間募  
內應三策於伊莘農節帥里布隨奉委查甯台温三府

沿海兵礮與諸將指畫形勢布置皆中機宜回省掌軍  
需總局文案及辦理報銷自庚子至乙巳六年凜然不  
可干以私始而人怨之繼而忌之終乃翁狀無不敬之  
張信齋明府印坦嘗語人曰鐵孫筦軍儲八百四十餘  
萬一筆出入而冬日無一羊裘口未嘗言貧也鄭夢白  
方伯祖琛總辦報銷事竣歎曰浙寮中一人而已初辛

丑歲奉

懷古田舍詩節鈔傳略

三

旨命督撫臣明保道府州縣玉坡中丞以公保奏稱其  
總辦軍需積勞成疾猶晝夜不輟任勞任怨是結實可  
靠之員奉

硃筆圈出因軍需奏緩引

見旋奏陸玉環同知乙巳報銷事竣梁楚香中丞寶常

保奏總辦軍需力求搏節不辭勞怨請以知府陸用奉  
旨從優議敘八月二十五日吏部帶領引

見一十七日



召見

垂詢履歷軍營及玉環風土民情甚悉是年回浙辦理

登復事件丙午五月權知温州府事與慶雲浦觀察

廉

招降洋盜莊通姜扁鵠等二百十六人收繳船四十三

號礮一百五十六門捐給口糧錢一千貫十月卸事回

玉環玉環孤懸海外居人以諸爲糧倉無存穀公至卽

捐廉倡富人購諸絲三百四十餘萬觔以備歲荒減糶

人皆使之更爲訓紀訓衍以教民民能誦之今鐫之老

城頭山以誌遺愛先是民田歲苦查報陞科公查照定

懷古田舍詩節鈔傳略

四

例墾田不及三畝者免其報陞民刊之於石閩盜時時

攔入浙洋方約董明經

三策

及海島居民互爲聲援官

給鎗藥第其擒馘而賞勵之事未集調至杭州辦理通

省清查局務去之日玉環民傾城鄉出送三十里至海

上痛哭攀轅至不得登舟爲畱一日乃去時丁未三月

也戊申六月奉

旨特授紹興府知府八月抵郡盜風方熾居民夜不能

安枕公下車嚴更柵勤巡緝捕治楊三九沙秋二等二

十餘人未弔月夜戶不閉是時吳甄甫中丞

文鏞

由江

西移撫兩浙清吏治尙嚴峻久之謂杭守楊君濬川曰  
若徐守爲政終須還他第一也其見重如此明年夏雨  
四十八日潦水灌城佃民素不滿於其主者入城索食  
曰萬艘城內奸民乘勢掠財物公單輿出巡念倉卒間  
難繩以法必先戢城奸鄉之不逞者乃可治爰下令殷  
戶各雇壯勇保家且先自雇二百名爲倡於是富民爭  
雇一家率五六十人頃刻之間城奸悉化壯勇鄉人勢  
遂孤復下令曰無論城鄉凡有冒充饑民搶奪拒捕者  
格殺勿論羣奸失望一時輯然是役也方事急時城廂

店鋪悉閉省中訛言官已被戕倘持之稍急或不得法  
立見變亂公從容解散事平僅充發二人流八人耳是  
歲山會蕭諸餘上并災走省會力請得十五萬金以賑  
復勸鄉民圖賑各保其鄉復首捐千金勸城中紳富捐  
錢買米坊賑且以助圖賑之無力者選矜耆董其事躬  
巡察之概不假手吏胥六縣安帖如平時不知其爲災  
年也明年水復至復請賑山會蕭諸四縣經畫如前加  
以城鄉粥賑先後全活百餘萬人公念水潦洊至由江  
海塘卑墊不能捍禦顧修費無所出乃集諸紳耆議按

畝捐錢山會蕭被水利害田一百一萬六千二百七十  
畝畝四十五錢加以鹽商合捐得錢十六萬七百三十  
五千緡擇紳董修石土塘一萬四千九十二丈九尺上  
虞被水利害田四十萬一百畝得錢七千緡修石土塘  
三百九十五丈工甫竣而潮患復至賴以無事民歌舞  
之公復相度曹娥江流紆曲太甚自塘角圍至王家埭  
不及百里凡大灣十是以水鬱不得駛一遇暴漲則東  
西衝突塘之所由善崩也又三江閘外有攔門沙名西  
圍猶自東而西年年加長今較順治中長至二百餘里

山會蕭三縣之水出閘門北匯曹江須西行遶盡此沙  
復東折百里方能入海每當曹江盛漲海潮逆上鼓怒  
盤旋共遏閘流驟不得下乃橫溢爲患矣公扁舟巡歷  
訪問海民旣得其實乃以賑餘疏其下流使改由西圍  
半沙出海誠感神祇海燈靈鰻咸來助順致工半月豁  
然大通於是復疏上流犀眺角磨盤沙南匯沙扇頭地  
諸灣使無曲遏水災遂減公雖惠愛逮於士民然執法  
甚固聽斷明速扶弱抑強故諸善政無不具舉越人士  
無老幼皆能言之在越四載辛亥壬子科兩充監試官

壬子十月調署杭州府癸丑春粵賊洪秀全等陷金陵  
江以南軍餉不繼有

旨所在勸民捐輸省派紹興二十萬金代君守越者多  
方宣勸而民不應僉曰還我徐使君百萬金不敢吝也  
當事者謀之公令回任公愀然曰越民病矣是誓言也  
吾甯缺其望不可以重困之且捐非敢抗未如數耳必  
欲取盈恐非

朝廷意也當是時黃中丞政清嚴公周旋其間凡勸捐  
籌防海塘海運諸大政一時具舉中丞倚如左右手十

一月兼護杭嘉湖道督辦海塘積土購石事常豫辦故  
八堡以上護沙驟徙不致爲災癸丑四月卸府篆專護  
道事五月赴吳江於平望設防部署既定六月江西告  
警復赴常山開化設防七月至廣信之貴溪與史士良  
太守合防九烏灘時賊圍南昌已久八月二十三日一  
旦遁去乃振旅歸九月昌化於潛臨安紅綠白三旗黨  
匪趙四喜兄弟據天目山謀佔縣城作亂公馳而往督  
昌化令及其未發急撲滅之剿殺八十六人生擒七十  
五人一方帖然而公勞極疾作不可支矣十一月十八

曰癡厥暈眩中丞聞之不及駕馳而來執手大慟力請  
開缺不允幸醫治漸瘳而十日中凡六過焉公感中丞  
知己恩不敢復以退請然左足迄不能痊猶扶掖趨公  
焉年終卓異中丞保公有肫誠至性確乎不拔之薦甲  
寅二月聞賊陷祁門將陷徽州徽州浙大門也力疾請  
督兵往援中丞初不許請益堅乃詣公商以三千人往  
未起程賊遁去然土匪乘勢起橫甚仍往於威平設防  
創造鐵馬置梅花洪中以拒來船六月聞徽守達君秀  
病卒念徽郡無長官不及請兼程往以赴弔爲辭適廬  
州潰勇過徽徽勇拒之互相牴公至和遣之徽人士謂  
非公來幾成明季黔兵之案居數月沈學使張廉使到  
乃回威平二十六日中丞奉

廷寄有人奏徽勇橫濫語涉官紳

命中丞派明幹大員往查辦適

欽差大臣向咨會賊將由徽入浙中丞念浙中以徽爲  
險要徽失則江浙危東南大局所繫正當吃緊徽勇聞  
查辦則守者必解體宜羈縻而鼓舞之計無逾公者

奏派公往公以晦日奉檄卽登舟七月朔至徽親詣箬

嶺查勘開壕斷路增設天星洞防勇賊擾木竹潭欲由甯國入徽涇人禦之黃柏嶺上公手書獎勵委員賁忠義匾懸其公祠又僞爲賊示以激怒之於是涇太旌甯義民羣起殺賊三四千人賊窘乃遁去公復書賊情戰法數千言以諭守嶺各勇凡與民籌所以禦賊者甚悉嗣是徽之防分東西路東則歙之湯口箬嶺外界太平罐子嶺界旌德績溪之叢山關界甯國縣太旌甯未陷於賊者皆可爲徽外蔽而西之則隸於黟之羊棧嶺方于嶺漳嶺以次石埭祁門之大洪嶺大赤嶺界石埭樺

根嶺界建德石貴建一路人皆蓄髮從賊賊設軍師旅卒帥董之故賊自西來無先告者且皆供億之二月初祁門之陷卽貴池人導之也君念東路既定西防孔亟乃躬赴漁亭調川浙兵勇分防甯定而賊犯樺根嶺矣時閏七月二十一日也公部署於先以逸待勞授計曹孝廉恩模吳定洲程元寶等擊退之殺二百餘人斃其僞檢點三人僞總制二人至是賊遂相約不敢犯徽州八月中承奉

廷寄福濟奏浙兵如能追賊出江宜扼蕪湖大通等口

勿遽回浙著黃宗漢察看情形浙之兵力是否能內顧  
本省外援鄰封等因欽此行知到徽適建德令王開貽  
來漁亭請公收復公遂領川浙兵各五百人徽台勇各  
五百人以中秋日出嶺二十日收復建德九月初二日  
收復東流軍聲大振安慶之賊欲棄城以逃有勸之者  
謂出嶺非徽意久之饑賈官兵必自退賊不果逃反來  
營我初十四日復連敗之於東流於堯渡堯渡之戰  
殺二千餘人口壅河中水爲不流賊膽於是大落是日  
奉中丞札以千里運糧事難爲繼收復以來該縣自己

辦成團練卽漸漸撤兵回浙等語又嚴州陳太守來書  
謂存銀僅三千金中丞令發威平餉無須解往建德公  
念兵退賊必來團練未必可靠畱兵又無所得食商之  
四川都司江長貴令移營至建德城後以待賊來則擊  
之如此者再賊不能窺我虛實矣江都司以城後多高  
山下營所忌不得已乃於二十一日移營每日遣兵勇  
回哨二十三日賊果至適與哨兵相值復敗之公念賊  
旣敢來勢將復至乃撥台勇五百人徽勇百人往助城  
守囑王明府賊大隊擁來宜固守城勿與戰詎二十五

日早賊已至倉卒出戰衆寡不敵城遂復陷而是時我兵已至石埭之商口距建二百餘里赴援則不及且兵少無餉卽克復仍不能守適聞賊將擾我祁南乃領兵入嶺十一月初七日至祁門居人聞賊窺南路多張皇移徙兵入乃少定公於小路口新安嶺大洪嶺等處築城開壕復令曹孝廉往南路一心嶺上設防勸辦團練數日之間團練四五百人聲勢大振賊偵知之乃自石門改路襲饒州是時祁南一帶布置周密軍民皆得安枕適黃中丞升川督將行以浙中軍需報銷孔亟檄公

懷古田舍詩節鈔傳略

十一

回浙辦理而安徽學使沈 奏畱公防剿得

旨俞允公益加惕勵五年春正月聞賊將大舉入寇公豫飭各嶺加意防範而賊已於二十三日自石埭之琉璃霧露兩路分股竄入都司許上達所帶兵勇不能支退入羊棧嶺下公念羊棧或有疏失賊必乘勢竄黟黟爲賊所據則休歛愈危乃嚴飭許都司堅守羊棧急移請江都司前往協防并催義練局撥勇赴援一面馳稟沈學使速飭徽州府知府兼署徽甯池道恩禧多帶兵勇前赴漁亭并調裕司馬英所帶兵勇亦往漁亭駐紮



以壯聲援蓋漁亭乃自黟至休之要道也調撥初定公將親往策應詎羊棧嶺已於二十七日下午失守賊已竄入黟縣矣公聞信星夜赴漁亭隨身祇兵勇數十人所請兵勇無一人至惟裕司馬孤軍五百駐紮桃源洞口桃源洞者由黟至漁亭之要道也其地歧雜所在須防守適江許兩都司先後至漁亭又曹孝廉所帶徽勇七百餘人公悉數調撥要隘議援兵到時先收復黟縣自徽郡城至漁亭相距僅百里俟至旬日援兵不至公知事必中變乃酌抽兵勇於二月朔日卯刻攻黟相持

未下是夜徽勇又復自相驚潰先是各兵勇經公親加訓練皆踴躍用命公昔收復東流建德暨樺根嶺之捷實藉江營川兵之力居多而練勇亦相率鼓舞故所向克捷自徽郡勇餉不發時有裁撤之議衆勇因而解體卽許營川兵連次之潰亦以餉不繼故衆志不堅初二日潰勇經曹孝廉截回有丁三餘所帶江北鎗勇四百名公卽命紳士余兆元往調來漁亭協防隔溪列爲四營諄飭各營互相策應以爲犄角之勢而賊果於初三日卯刻分兩路來一抄桃源洞口小路攻許都司營一

由南木嶺攻江都司營是時許營川兵不戰把總張崇  
禮領隊先退徽勇鎗勇裕勇亦相繼潰散江營僅能自  
救許營既潰賊又分爲兩股一由上路渡水直撲公營  
一由下路渡水抄襲後路公卽以隨身兵勇親冒矢石  
轟斃黃衣賊目兩名餘匪死者無數賊正窮蹙欲遁而  
下路渡水之賊又繞出合而爲一公奮前應敵猝中賊  
矛墮溪畔公復奮躍手刃數賊旋以傷重力竭連中賊  
矛遂被害時公長子慮善從公禦賊鏖戰奪屍而出會  
江營獲勝前來助陣賊衆敗竄乃得安載公屍至屯溪  
以殮殮時面目如生被創之處至於鮮血直湧前此並  
無點滴也時爲二月初五日距被害已逾二日矣衆驚  
歎神異顧拭之不已咸哀號伏祝倏見公面色沈變怒  
氣如生繼以一笑而血止始安殮焉初公之赴漁亭也  
或有勸公者曰漁亭無險可扼公不如詣休或竟至徽  
郡爲便且保浙乃公分內若徽之安危自有主之者在  
公謂吾奉  
旨保徽以保浙若漁亭有他徽郡自此危矣吾雖浙員  
豈可自分畛域以爲藏身之固哉及事急時復有進言

者謂勢已至此不聞主徽者一發援兵公毋徒自苦也  
公斥以各辦各事毋多言亂乃公意公有至戚崔姓者  
客游淳安聞公至漁亭亦前來勸阻初一日公語之曰  
吾昨夜心忽亂如麻今定且靜矣胸中若無少事者崔  
視公精彩煥發頓異平時知志不可回感歎而去至是  
竟及於難公素性以肝膽自期遇事不避艱險自赴防  
一載以來親操籌筆恆廢寢食暇猶著爲吟詠有雅歌  
投壺之風公於書無所不讀晚年富有著述如大戴禮  
補註日新要錄金石萃編補遺及梅統等皆手自鈔錄

懷古田舍詩節鈔傳略

嘗受易於蘇桐谷孝廉鸞章受詩於張南山司馬維屏

受心性之學於陸朗溪鍾亮所執贄者郭曜東杲馮薌

林紹詩兩上舍樊了園秀才夢蛟丁峻山外翰最謝里

甫庶常蘭生魏春松副憲成憲自謂得力於馮上舍爲

尤多公自游庠後卽以詩文名西南園詩社以著提紗

紅梅驛探梅命題公兩冠其軍人比之黃牡丹赤鸚鵡

宰遂昌以詩弔青田端木舍人國瑚阮文達公貽書稱

爲詩縣令中年以還專力漢魏鎔鑄唐宋自成一家著

有懷古田舍詩四十卷大率識趣淵博不爲無物之言

讀之令人激昂慷慨稱心作氣未有不愛而慕之者性  
喜畫梅初師逃禪元章晚則兼取諸名家之長而集其  
成時師見之靡不斂手嘗言吾取其生機以養胸中和  
氣不求工也其醞釀深醇如此故其遇事接物未嘗矜  
才使氣然義有不可者雖百折不回也筮仕後既以清  
慎勤三字自勵復謂清慎勤皆有源頭有流弊清先節  
用慎先明理勤先養身苟用奢識昏身憊雖欲清慎勤  
不能矣其弊也清防刻慎防蕙勤防瑣聞者以爲知言  
方其守越州也爲浙省第一沃郡公於地方供億悉卻

懷古田舍詩節鈔傳略

五

之曰吾所得廉俸已可愧敢於分外竭民脂膏乎故所  
至得廉名其於公事無鉅細必反覆推詳無可疑議乃  
已聽斷疑獄以片言折之人咸畏服案無留牘至汲引  
寒峻常若不及士子進謁輒以行無悔事讀有用書二  
語勸之且曰此八字吾親受教於蔣礪堂相國得力非  
淺願共勉之晚年尤服膺呂新吾劉念臺兩先生之書  
期於躬行實踐此則公行己之大端也公生於乾隆五  
十年壬子十一月十九日巳時殉難於咸豐五年乙卯

二月初三日辰時事

聞二月二十五日內閣奉

上諭浙江巡撫何 奏逆匪竄擾黔縣委員督戰陣亡

一摺逆匪於正月二十七日由羊棧嶺竄至黔縣福建汀漳龍道徐榮聞警督帶兵勇前往漁亭堵勦二月初二日兩次接仗殺賊二百餘名因續請兵勇尚未到營初三日辰時賊衆紛至我軍連接數仗徐榮身受重傷力竭陣亡情殊可憫著交部從優議卹以慰忠魂欽此公喪自漁亭抵杭時爲二月十三日明日厝於湖莊副室伍氏迎喪畢於十五日寅刻在寓寢投繯殉節復經

懷古田舍詩節鈔傳略

六

浙撫附 奏七月初四日奉

上諭何 奏請將陣亡道員建立專祠並同時殉難之人分別加恩及保奏該故員子嗣等語前福建汀漳龍道徐榮效命疆場被害甚慘經飭部優卹卽著再於漁亭地方建立專祠並將同時陣亡之川營都司許上達殉難之歙縣知縣廉驥元候補按察使知事張穎濱及陣亡各員一併附祀以慰忠魂徐榮之妾伍氏殉難自盡貞烈可嘉照例旌表徐榮之子候選訓導徐慮善著俟服闋後以州判留於浙江補用七品筆帖式徐傳善

准其赴徽嚴等處帶勇効力欽此當公殉難之日  
恩簡福建汀漳龍道之

命適至杭州士大夫方交賀公之忠勤仰荷

主知指日可期大用忽聞星隕莫不泫然櫬入杭城之  
日傾城拜奠同聲痛哭及厝湖莊赴弔者不遠千百里  
而來詩歌悲挽以千數計其厯治士民思有以報公先  
後合詞籲請題祀名宦奉

旨允行既而小民復以宮牆出入維艱未能使其私薦  
於是爭立祠廟而尸祝之杭州紹興遂昌之人尤深感

懷古田舍詩鈔傳略

七

戴至有一處而建數廟者蓋棺論定是可以徵公之實  
行亦可以見斯民之直道矣後數年徽州人士思公益  
切既先後建祠於歙城及黟之漁亭復經六縣紳耆宋  
夢蘭程枚功等籲懇督辦皖南軍務張中丞咨

江督皖撫奏

請移葬徽州以其後入徽籍奉守祠墓庚申年正月初

七日葬公於歙縣北鄉飛布山下王公塘後園池尾亥

巳兼乾巽之原六邑人士麇集會葬自張中丞邵學使

江軍門而下計萬有二千餘人既葬後其舊屬部伍及

各邑人歲時恆數百里奔馳祭掃桐鄉朱邑難專美於

前矣公享年六十四歲部議照正三品例賜卹世襲騎都尉俟襲次完時以恩騎尉罔替并照例子祭葬卹典銀兩奉

旨依議欽此配李氏漢軍鑲紅鑲藍旗協領

詩

璋公長

女副室劉氏涿州人早卒伍氏常州武進縣人以衆子傳善仕 馳封宜人殉公之難子五長慮善廣州府學附生候選雙月訓導以從公行問收復建德東流及殺賊受傷功 奏准以州判留於浙江補用議敘候選同知復經帶勇先後數十戰擊退賊援隨同鄧軍門紹良

懷古田舍詩節鈔傳略

六

收復甯國府城 奏准以知府留浙補用

賞戴花翎次登善早卒三同善戶部學習筆帖式陝西司行走從江軍門長貴克復陵陽鎮及從張中丞防勦得力 奏准以通判選用

賞加同知銜四傳善刑部直隸司筆帖式委署主事堂主事行走 國史館收掌官從張中丞收復休甯及防勦得力 奏准以知州選用

賞戴花翎現任四川會理州知州五明善官學生先公一年卒孫受康受鷹

改名麟光

受賡受唐受康受庭受蔭受

虞受廬女一適正白旗漢軍劉氏順德府訓導名建中

公子候選鹽大使名錫霖女孫三

五與公同隸旗籍燕雲粵嶠天各一方往從黃樹齋司  
寇樊昆吾上舍處得讀公一一著作景公爲人心焉嚮  
往今復從公喆嗣伯安太守奉公傳狀得見公生平行  
政愛民諸大端以及公遇變捐軀忠烈大節誠千秋史  
乘之光亦桑梓之榮也敢不揣荒陋就其厓略爲之敘  
次若公者處爲名士出爲循吏終則勤王事殉難疆場  
不愧爲蓋臣是足以風已

懷古田舍詩節鈔傳略

十九

咸豐庚申春日鄉後學銘岳東屏氏頓首拜撰



後敘

自我

朝龍興以來八旗中人爲名臣爲賢將爲忠孝義烈雲  
軒霞舉不可勝數至能詩之士之以專門名家稱者乃  
不多見故世人輒謂八旗中人長於勲績短於文章迨  
鐵生徐公出以其高才博學發而爲詩雄視海內集且  
四十卷八旗中之爲詩無若公之多且美者而世遂以  
詩人稱公矣公嶺南駐防人也先是駐防無考試例自  
嘉慶丙子

懷古田舍詩節鈔後敘

詔許就試公遂首膺其選繼成進士爲令於浙儀徵相  
國嘗稱之爲詩縣令才名藉甚其爲詩雕鏤萬形神駭  
鬼慄精詣所到淹有衆長而不失其本蓋所謂專門名  
家者余昔從友人符君處得讀公詩比官於蜀交公嗣  
子公可通守又得盡讀其藁歎曰富哉公之爲詩夫天  
地之運山川之氣扶輿鍾毓無所不包若名臣若賢將  
若忠孝義烈不足以盡之又必有蓄道德能文章者出  
乎其間當其發洩文章之盛足敵功業顧余獨竊怪自  
粵寇起時天下方苦於兵而八旗之以功業著聞者

乃稍遜於前是豈物莫能兩大贏於此者或絀於彼耶  
然余綜觀公之大節謂公爲詩人可也謂詩人足以盡  
公不可也公孝友重於鄉黨令守浙中稱循良吏武林  
之祠名宦者例嚴且重自

國朝以來在祀典者不數人而公得與其列公殉難於  
皖皖之人士以公有功德留葬新安其居官行政與其  
惠澤至今皖浙人能道之向使公不爲詩其德業已可  
不朽又使公不遽死於難獲申厥志其勲績復當何如  
乃世之稱道公者多以公爲詩人嗚呼此余所以讀公

懷古田舍詩節鈔後敘

二

集而重愴然以悲也舊板在浙公可奉遺命丐林勿村  
中丞芟薙其繁重刻於蜀都爲六卷並附已詩二卷於  
後公可蓋能承先志而發皇之者故爲敘其意如此  
同治甲子冬仲鄉後學崇實樸山氏拜敘於錦城節署

懷古田舍詩節鈔卷之一

漢軍徐 榮鐵孫



月下看梅花作

嘉慶甲子年十三歲受業於馮鄰林師命作此詩亟賞三四及結句

餘係改本存之  
所以志淵源也

一笑相逢雲水鄉羅浮邨外酒家旁身原明月何須問

世有梅花不敢狂獨鶴驚回千里夢其誰消受五更香

醉來推倒珍珠樹萬斛平教北斗量

贈丁益之

貽謙 芭香 貽燕 昆季 丁卯

雨洗蘋婆樹一庭生綠陰飛來數枝月照見讀書心夫

懷古田舍詩節鈔卷一

一

子文章伯

尊甫峻山夫子

雙丁鸞鶴音天風吹海水愁絕伯牙

琴

白雲山雜詩

一路泉聲作午寒松門百折費躋攀不知遠近雲中寺

善變陰晴雨外山

凍雲滴翠山橋滑密篠搖青石徑斜院似無人留鶴跡

地曾相識為梅花

題梁苻洲玉山草堂與丁芭香

貽燕

同得池字

先生本清曠所得乃如斯倚檻月生海閉門雲滿池花

神來勸酒山鬼乞題詩約我南軒醉探梅早訂期

宿白雲寺同樊昆吾

封

古階平

元德

李曉原

澤霖

三秀才魏輔之銓部

廷佐

雨過萬山幽寒螢靜不流月華來照井雲氣去辭樓小  
語天應覺高眠世儘浮聽君持鐵笛吹起下方秋

謂輔之

清遠峽

甲戌

陡覺雲當面不知山到門山飛一水出水挾兩山奔石  
氣青天上風帆碧樹根無窮今古意來問白頭猿

鄱陽湖懷古

懷古會詩節鈔卷一

二

至正之末刀兵愁漁家鹽販皆王侯西風乾癯張士九  
定遠夜呼秦把頭沔陽陳氏復不讓擁取狶狶坐相向  
可憐昏暴繼徐家復有金盆同孟昶從來創統在得人  
豈有恃強能保身滅亡在眼不自寤一縛乃失花將軍  
真人一怒不可追親帥舟師二十萬龍興任告朱侯急  
小孤賴有周顛膽鄱陽湖水高似天如山之艦胡爲焉  
吳城一夜東風起康郎山下流腥煙是誰躍起呼星過  
敵有賢人安得破小舟祇合武昌還龍漢威名從此挫  
可憐漢祖亦不仁解圍紀信徒捐身至今湖上濤頭惡

不見韓成封半爵

牛渚呈蕭聲甫都護

斜日下高樹牛羊歸遠邨一天秋葉影十里晚潮痕江  
月生牛渚家山隔虎門高吟吾不解空有謝將軍

泊蘇州

乙亥

花落閨門二月天春寒猶在酒尊前一樓燈火千街月  
捲起湘簾看泊船

元妙觀眾妙堂讀坡公眾妙堂記作

散衣步斜日來過眾妙堂殘碑寄古壁讀罷心茫茫謂  
妙而可通燕雀笑鳳凰虻蘗遞相憐鳧鶴各短長謂妙  
不可通弓冶傳其良舞劍與擔夫草書增激昂靜者貴  
止觀與物同相羊寸衷默自喻欲語忽已忘童子方汛  
掃清風生晚涼妮妮暮蟬鳴浥浥庭花香

十二月十五日馬當山遇風二十二日至東流縣

舍舟陸行九十里渡江至皖城

丙子計  
借北上

一夜礮車雲吹亂千山影朝來失斷岸弱纜安能逞前  
峰忽浮沉後浪爭俄頃方乘百丈雲乍落千仞井江神  
惡作劇爲政一何猛吾生本艱難涉世亦萍梗得岸聊

一笑入夜更三省

東流古彭澤曾辱陶公守官田二頃半種秫作美酒一  
朝賦歸來甘作耕田叟後人競蝸角萬里謀升斗未成  
燒尾魚已類喪家狗自問誠可笑相形豈不醜再拜謝  
先生小人有慈母

向夜趣輕裝侵晨理征策暫辭波浪窟永踐風沙迹煙  
篠含冬青石苔抱古碧初行雪後橋漸入松間柵依依  
寒犬吠纍纍宿麥積雞豚有餘樂畝畝得真適吾方愧  
老農無事羨行役

懷古田舍詩節鈔卷一

四

怯水踐修途洶洶復余戀雪山亘前路正與風師戰中  
流一相激前舟忽不見飢龍臥千年巨燭供一嚙豈無  
後轍戒幸爲神所賤命宮有磨蝎味苦輪燒鷺旣濟問  
僕夫清夜夢猶眩

桐城道中

喚起征鞍趁夜晴荒原盼斷曉雞聲藏花廟矮齊簷過  
漾雪河寬解馱行馬上新銜三鹿郡鷗邊舊夢五羊城  
如今羨殺西邨老踏藕耕魚過一生

廿六日大雪至南漿

東坡騎白鳳天人偶游戲浩然乘青驢頗得畫中意當時讀其詩謂有高士致豈知事親嘗乃得無窮累今朝彤雲集半路玉英萃削面糝冰花侵裘擢珠穗手僵轡難整地滑馬虞墜斷岸積蒼茫前邨失寒翠敢指望鄉眼真有窮途淚偶然得一解此意君不會且勉當局勞事過殊有味今宵入山店倒枕和酒睡回頭語僕夫念此強自慰

除夜宿廬州城外用東坡除夜野宿常州城外韻

一首

懷古田舍詩鈔卷一

五

居人行樂路人悲酒力無多夜更微雨暗定應聞鬼嘯風寒不信有春歸掉頭客路光陰賤守歲天涯骨肉稀明日又辭桑下去做裘羸馬且相依

元夜東灘店

丁丑

輪蹄閱歲尙途中回首關山一萬重南粲飽經騎月雨東灘來及試燈風馬蹏任道看花疾燕頤終慚食肉工何似歸來釀春酒北堂詹壽樂融融

端午日游平山堂同梁桐廂孝廉

健翎

朱經畬

霽

施夢臣

良

兩同年

鼎鼎百年何足數勞勞萬里終無補蒲黃艾碧不歸家  
卻向天涯作端午天涯佳節亦可念妝點龍舟伐鼉鼓  
鼓聲淵淵萬人聚仙雲渡水花搖渚穀霧低迷芍藥聽  
香風暗溼菜萸浦銜標奪錦亦偶爾傀儡登場供戲侮  
忽聞橫笛短簫聲誰翻白日黃雞譜道途行樂信有命  
古來風月真無主把酒勸君君記取休羨人誇長命縷  
君不見人影衣香相媚嫵不是平山舊歌舞平山景色  
自千秋明日游人散如雨

三衢道中

懷古田舍詩節鈔卷一

六

雁程迢遞又空還秋暑資吟物態閒有信風如師子瘧  
無心雲作鷓鴣斑平生管樂仍思古盛世巢由合買山  
明月一竿花十畝故鄉魚鳥信疎頑

望廬山懷樊昆吾

前年過南康廬山橫我前今年過廣信廬山當我船四  
年四過不得上山靈笑我無山緣我於茲山早夢見面  
覲不啻神先傳香爐冉冉現五色巖燈炯炯明千年朝  
天萬笏不一狀如獅象峙鸞鳳騫樹腰恐有日月轉簾  
水直與星河連獨往神傷古所歎過門不入誰承愆我



友昆吾有奇氣平生癖山不癖錢曾游羅浮騎瘠虎夜  
半獨到黃龍巔當風自披蝴蝶繭大笑偶拍洪厓肩西  
去端州看星石鑿斗大字蒼崖邊鼎湖鐵鎖一萬丈扳  
援卻上追飛仙紀游欲學柳子厚著書正似司馬遷看  
山萬里獨許我霜蹄一蹶甯非天去秋昆吾失解久知富貴一  
芻狗還因結習攻丹鉛要須借此遠行役遍遊天下名  
山川盧君虛君記此語明年載酒相周旋

題朴竹居五丈

秀

攤書對酒圖

朴翁雅人世希有昕夕一編常在手自言少賤習吏事

僕僕半生牛馬走雖親案牘本非心每見詩書開笑口  
倘令早得十年讀庶幾尙與千載友可憐書劍兩無成  
深愧德功三不朽我聞翁語重歎惜翁志則佳見則後  
人生識字憂患始語出髯蘇翁記否司馬萬言親滌器  
中郎千卷安能守虞卿著作竟窮愁揚子文章空覆瓿  
呼盧遂失穀雖癡挾策同亡臧亦醜所以人云身後名  
不如眼前一杯酒翁能識得此中意無事惟當學犀首  
七十老公何所求一日請翁飲一斗

題馮欽鄰畫山水

爐山範海水造物乃大巧我昨行萬里雙目得一飽自  
從科落甲惟有酒飲卯閉戶如繭蟲那辨參與昂何來  
大手筆模范如此狡橫面衙衙松離奇露鱗爪清溪石  
墜米長林艾餘鮑懸厓一千尺栗栗風欲撓便疑寒潭  
深應有毒龍攪厓陰轉欹側雲根紛糾絞捫壁磴猶立  
循麓徑頗拗奇音起澗谷寒綠被芹苳西日照明霞玉  
顏常姣姣靈禽定來往茸麋見斯齧窟宅巢神仙畧約  
度夷獠棲遐卽二禺選勝隘三泖對此恬居諸外好賤  
娥媼何當從子游驂驪駕飛狗凌風追列仙負畚尋釘

鉸餐宿慣雲煙簪裾謝華瑤

懷古田舍詩節鈔卷一

八

憶蒲澗梅花

軋軋鴉噪寒撲撲鷹厲吻獵獵風作陣密密雪揉粉歲  
終臘未破元迴氣猶蘊折竹表餘節髯松孖宿憤誰旋  
造物力能索乾坤隱翻嫌老梅樹自放頗不謹作態媚  
立冥餘馨散寒權玉立品自奇輿臺敢側近可憐羣草  
木凍死空幽忿豈知此時候生意已隱斧要爲有道見  
豈待膏脈墳春風到萌芽宿卉啟韶齟非無好光陰發  
榮讓葵堇嗟余久神契及爾絕塵坳年年到蒲澗相顧

一笑听安蒲節可尋蘇碑苔每勿夢或繼師雄射亦追  
柳惲邇來苦墳委萬事勞拭按及時嘆行樂憶爾空引  
香芳心託長望微吟付寒螿

題温伊初秀才

訓

梧溪石屋圖

戊寅

登雲西折山聯翩羣龍夭矯趨靈淵何人竟割左耳去  
纏藤裏蔓無由痊風雕雲噉成石室餘漑下作梧溪泉  
千年不入俗土眼地藏天設非徒然温郎高士無所牽  
放浪水涯山之巔偶然得此忽叫絕大笑驚破蒼崖煙  
山精木客焉敢奪遂取而有天無權我聞仙游潭石室  
餘几筵坐令絳帳污猿鶴坡詩不屑爲雕鐫又聞臨安  
山金堂玉室多神仙驢跛屐折遠莫致蘭亭逸少殊可  
憐不如茲山幽靜差安便勸君灑掃來高眠流蘇寶蓋  
紛聯娟藏書便待其人傳種松柏桂蘭蕙荃鮮鱗者魚  
翻翻鳶四時萬物觀天全不然興到揮七絃海水亦可  
移成連何時山開見石髓寄與叔夜同延年

南山師邀食羅浮筍

籜龍何年避斤斧走入深山伴瘡虎豈知道人不汝赦  
日日長鑱恣輕侮竹飀狂呼救不得錦綳遠寄森可數

居然童稚已耿介頓覺腥生污鼎俎貓頭玉版等兒戲  
沙箸簞簞眞市脯摩挲雨暗土痕肥澁勒煙寒村味苦  
多生蠹簡有餘嗜填塹塹餘雄今可賈卻愁半夜雷雨急  
芒角槎牙生肺腑應須火急吐新詩憑誰題向蓬萊股

同古階平姊丈遊蒲澗

俗事不稱意嘯僑尋碧山山靈亦喜客掩映煙中鬢稻  
香媚風日石翠橫溪灣雲構百尋聳煙江千里環赤足  
踏蒲澗秋筇扣松關巍巍安期子玉舄何時還合則可  
見人贈我秋棗殷舉手謝盧敖下士徒躋攀

李曉原處遇樊昆吾談竟日

清風挾飛雨吹到千里友借子停雲館寄我談天口三  
年別已慣暫合此亦偶吾竚澀欲無君氣豪尙有不知  
長城內更得清新否浮華要當剗習俗不可狃永懷德  
功言聲名慎勿朽

曉原如處子藟蒼涵清漪昆吾磊落人大葉披疎枝各  
負不世姿仁亦未可知嗟予少輕薄來者猶可追譬如  
失業田培壅當及時相期慎自愛分道揚其旗不見四  
科中各得性所宜

山水有夙癖欲去慚無錢時置齒頰間未到意亦便巖  
峩匡廬山窟宅多神仙娟娟太華頂峰影青如蓮天台  
與雁宕位置東南偏煙江理游榜綠野揮吟鞭倘許靈  
運後常虞祖生先

江鄉信可樂城市誰能逐吾當隱蜘蛛子亦友麋鹿其  
立三家邨手種萬竿竹閉戶學屠龍上山閒抱犢淵明  
得三徑既可耕且讀季子有二頃安得丹其轂一笑然  
不然行止吾未卜

秋雨

懷古田舍詩鈔卷一

十二

病客愛秋雨心脾蘇曉涼詩人愛秋雨入耳皆宮商窮  
人畏秋雨寒氣侵衣裳無衣何足惜惻然念高堂風雷  
撼老屋菌蕈生繩牀

前番七月朔雷電驅四瀆癡龍掠簷過鄰瓦已被捲至  
今留巖牆不久恐盡覆丈夫志四海不能辦一屋念此  
摧心肝獨坐淚撲簌

粵秀山

四山明月夜如此滿塢白雲秋又深鶴夢正閒花欲落  
一聲寒磬出疎林

許青士太史招同南山師孫雲帆温伊初訓集粵

秀講齋時青士將返浙雲帆將返江右南山師

將入都

風流雲散可勝情縱飲真須倒巨觥顧我迂拘宜小戶

看君談笑受降旌青士豪於飲鱸魚一日思鄉國春色明朝

賦

帝城惟有閒雲呼不起石田依舊課春耕

安期仙祠

連山西北來一水隨之奔山住水亦住得此依微邨道

懷古田舍詩節鈔卷一

十一

人適何來鑿石開雲根秋果夜猿獻春旗王母翻菖蒲

蹙九節石翠靈朝昏千年守神鬼一旦供山殮我欲乞

餘漑俗骨頑且昏山花自含笑落日翻金盆以上節鈔什一集

寫懷已卯

風從東方來吹春滿茆屋安排一林翠點綴三徑綠蠹

爾蟄蟲蘇蠹蠹亦有族人生寄駒隙何者自拘束今年

新條長去歲枯枝曲今朝時鳥鳴明日野雞哭暗盡灰

中炭明轉風前燭有鏡方催顏無藥能醫俗誓將問襄

陽不死安可獨不然訪無功醉鄉道路熟

深齋有蒲團盡日盤兩膝城西好風景百喚不一出白  
鶴如佳兒懶惰亦無匹甘啄苔蘚花不慕桃李實營營  
出門者其足亦何疾未飯甯戚牛競捫王猛蝨榮辱一  
時爭恩仇何日畢平原絲仁繡智伯頭早漆李斯已悲  
犬定遠方投筆嗟哉此蠢蠢爲計有疎密遽遽一以覺  
俯仰終蕭瑟不如寂寞人自得養生術

雜詩

長松大枝葉結蔭橫高坡女蘿生其陰裊裊不自持攀  
援一得所花實相葳蕤又嫌處幽闇不見朝露晞剝鱗  
糾翠鬣摧纏修榦萎不惜爲君萎露珠能幾時愼君綽  
約姿霜雪行將施

我思

我思建崇牙自將十萬兵磊磊諸葛陣沈沈亞夫營旌  
旗判山色刁斗迴秋聲南剗新息壘北開受降城西戎  
射天狗東海屠長鯨明堂獻俘馘燕然鐫姓名功成不  
受爵長揖歸躬耕此志苟不就終已負平生

我思闔小園獨樂於其中藏書一萬卷寶氣橫高空日  
與古人戰矛槊紛相攻餘事蒔花竹梅蓮松柏桐九華

滴雲影四苦齊秋風結交張邴徒來往皆英雄談元下  
白日說劍驚長虹此志苟不就我心鬱忡忡

我思在江邨自創耕桑業榆密老社香雲深古橋滑屋  
編狼尾覆籬截龍鍾插樹底臥青牛禾根養花鴨風露  
築秋場煙波荷春鍤歲時釀斗酒田父相款洽種樹纂  
遺書子孫守家法此志苟不就誰能與俗狎

我思理煙艇江湖恣遨遊白蘋別渚晚紅樹空江秋賣  
魚淮陰市沽酒陳倉樓百年飽喫飯一醉深埋頭醒來  
看明月風露橫中流偶入桃花源雞黍數日畱或逢任

公子談笑隘九州人生會有盡知足夫何求

雜詩

牛耕不自食蠶絲不自衣辛苦著書說將欲遺之誰死  
者果無知聲名亦何爲或云死有知圖名猶未遲今日  
有美酒與子斟酌之黑頭不可恃行樂當及時

夜坐同樊榭圃

折

效阮步兵一日復一夕

一日復一夕一夕復一朝不見昨日花但見今日條不  
見昨日沙但見今日潮義和鞭六龍迴旋折其腰北斗  
指四面年久傷其杓杓傷不停挹腰折行不饒遂令下



士人髮白無由髻

一日復一夕一夕復一朝  
瓊青近已破硯鐵何時銷  
平生江海心不奈塵市囂  
可憐寢食間五嶽胸中朝  
終當仗劍去無使山鬼嘲  
叱虎豹使御揮蛟龍爲橋  
倘逢千歲人乞與擔詩瓢

一日復一夕一夕復一朝  
我友四五人隔絕道里遙  
京

華看花客連翩鞞馬驕  
誰爲返鞅者傲睨登金焦

詩借李曉

原諸人樊侯更可憐  
佛山寄鷓鴣

樊昆吾

白雲冉冉去碧海

空寥寥何時對牀臥  
秋雨燈蕭蕭

懷古田舍詩節鈔卷一

五

一日復一夕一夕復一朝  
可惜明月老坐見青山凋  
我欲強著書後儒不汝饒  
我欲鍊黃金金盡仍蕭條  
眼藥求神仙貽誤誰所招  
富貴不可取貧賤亦無聊  
不如一杯酒與子消清宵

夜坐贈樊柳圃

蹉跎已是十年頻  
聽雨看花跡又陳  
變到聲音知我老  
磨成肝膽欲誰親  
可憐明月不解飲  
更被青山能笑人  
明日傾家買舟楫  
武陵溪上覓芳津

和溫伊初小亭月夜見懷

長天萬里銀海青孤月湧出玻璃聲亭中幽人眠乍醒  
呼吸古雪心水精不知世間有人事臨池看竹數个字  
竹陰滴地鋪濕翠白魚擘水時一戲此時先生心絕殊  
只有老鶴陪清癯懷人忽吐青明珠惜元與白非同居  
君居有竹竹月軟我居無竹松露滋蒼官青士俱嬾變  
老子此興復不淺河南老梅更崎嶇美人渺渺煙江深  
何當共理山陰棹乘月敲門索鼓琴

來書約訪李雪庵汝梅

同伊初訪雪庵大通寺雪庵出示近作

鵝潭潭水黝如漆圍住孤亭弄煙碧岡州先生久不出

懷古田舍詩簡鈔卷一

十六

倒挽澄潭洗詩筆昨朝雷電搜神淵白鵝掣水春青天  
名颿利楫紛迴旋先生抱琴高枕眠涼雨初晴月新沐  
驪龍吐珠蚌剖腹松花落地春酒熟先生把詩仰天讀  
天高蕩蕩呼不聞隔江驚醒溫庭筠徐陵落落亦不羣  
鞭鸞來看垂天文豪氣不要蓄薇熏悲歌弔古斑續紛  
世間小兒何足道大笑叫倒珍珠雲雲陰黯淡山鬼奔  
墻根莽莽誰家墳墳荒花老佳人死請公一弔劉天子  
近與伊初唱酬怪其輒作短篇故屢挑之昨日喜  
僕與雪庵見過忽吐長句純以兵喻千乘萬騎

洶湧而來傾倒之極戲效其體答之并約同訪  
雪庵

溫侯才力天所放拔幟騷壇號飛將別腸鬱律蟠六龍  
秃筆嶙峋掃萬象嗟我與君交一載欲抗顏行爭伯王  
有時折衝樽俎間怪君縮手如巧匠豈知君欲盈吾氣  
故作循循婦人樣空枉束施見羸師解鞵下馬擻亭障  
小人器小見目前麋濮易驕隨果張守陴無備不難龔  
牧畜在野疑可掠前朝長句擬致師摩壘靡旌掉兩鞅  
何殊趙括攻武安更似匈奴輕魏尙采樵又獲三十人

懷古田舍詩鈔卷一

七

前日同訪雪庵伊  
初祇作五律一首豪氣平增五千丈坐斥洛州爲刺史  
便欲登壇責軍狀忽然迴師來角逐不意將軍下天上  
貽我千言逞恢詭驅駕風雲走高浪幻如蛇鳥連入陣  
整若旛幢列天仗虎虓猊抉萬山裂鼇擲鯨喙四溟漲  
火牛黑雅不足數況乃蠻荆左右廣曳柴敗楚未嫌譎  
斫樹收龐豈辭誑藏之九地動九天頃刻輪蹄眯所向  
有如滄海沃爐炭醜醜微熏敢相抗於今乃得觀全力  
目暈魂翻更心蕩肉袒牽羊罪倘赦雌聲吐款君其諒  
包匭菁茅貢璣組冠蓋春秋請相望卻思河北李臨淮

負固方隅猶強項勸君回戈便東指選卒萬騎車百兩  
執兵隨後吾所能敢請師期勿推讓

與伊初泛舟過宿雪庵大通寺寓齋

南風吹菰蒲千里青濛濛森然醒肌骨墮此琉璃中扁  
舟裊無根不辨天西東有如一 片雲舒卷當秋空此外  
了何見煙痕界青銅遙指煙際來中有避世翁

兼旬積相思煙水渺如許扣門圖一笑意得反無語披

衣出古寺

雪庵貫之  
同游花田

扶香問芳渚花深岸轉窄水曲途

多阻言尋素馨斜忽遇黃梅雨瀟瀟儘無礙主人有雞

黍

薄雨不成點涼雲渺森森舉頭望青天明月何由尋不  
謂俯仰間已在清江潯我偶見月影月豈知我心我心  
碧落高月影中流深人間竟何世夢氣方沈沈

江光一亭聚露氣三更轉詩禪入心清茶甘上眉淺迥  
風洗徑竹時復冷然善深林何處燈前郵數聲犬夜久  
百蟲絕對牀語清軟道心方此滋歸夢知已免

和伊初六首

又與煙霞客來尋香火因乳波沿岸滑雲樹對門新野

稻已藏鶴蒼松眞閱人劇憐午窗裏破夢得嘉賓

不信雙龍井能含萬古煙翠痕方礙薛雨氣已沈天亭

榭安林隙風帆聚眼前周郎眞好事曾此擲金錢煙雨亭爲

周貫之秀才重修

旁舍連花埭微行一徑通雨肥瓜蔓水風熟綺羅叢綠

竹都應醉芳蓀久自聳紅顏能幾到一問白頭翁

霸業雲無影佳人情有根至今成沃土都解種冰魂尋素

馨斜不得近人以花卹當之

花政課晴雨香田傳子孫年來春事好

報賽最頻煩

時卹人賽神蓋報一春花事豐熟也

懷古田舍詩節鈔卷一

十九

不見江干月於今恰兩年塵埃襟偶濯湖海氣依然坐

覺潮平岸時聞人扣舷白鵝應未睡曬翅自翩翩

曉色湖中破鳩聲夢裏疑野心殊不厭禪味此方滋歸

去豈得已重來先訂期難忘最何處疎雨對牀時

秋來悶極擬同曉原訪昆吾佛山先寄此詩

嫋嫋秋風不自支西風又報菊花時連朝雨暗蟾蜍老

昨夜霜寒蟋蟀知玉局東門何日出少陵西閣不曾離

買羊沽酒新成約欲借高齋作習池

送朱吉士霽計偕北上

廿年匡坐說經綸此去鷓鴣行倚致身便向朝廷扶直道  
豈能臺閣作文人不然百里牛羊牧猶拯清時水火民  
別酒一行君可起無爲兒女浪霑巾

題李秋田

光昭

跨蝶圖

秋田與紅蘭女史各跨一蝶

十年飽作江湖客夢中不見蛾眉色韓憑夫婦笑煞人  
何苦春風浪拋擲鐵華道人耐不得

秋田自號鐵華道人

手捉春

駒盈八尺便遣還家迎細君有約羅浮會仙宅詩骨如  
山壓腰重檀奴生怯青絲鞚掀髯自寫調雲符萬頃雲  
潮穩推送石樓偃蹇鐵橋斜膏騰一氣凌飛霞何家女

懷古田舍詩節鈔卷一

三

兒分白芋鮑翁嬌婿贈丹砂旁人驚倒神仙眷香花擁  
入吹笙院先生大笑不掉頭蝴蝶莊周孰真幻事所未  
有理或然畱君此圖證我言明歲鹿門儻偕隱我騎瘡  
虎導公前

春寒

庚辰

數到花風第幾番無端鸚鵡罵朝寒新加几漆仍防凍  
剛卸簾衣自悔單白墮關心春盞澁黑甜回首被爐殘  
安排十日熏香坐親下重帷護牡丹

上元前二日樊了園師招集聽雷書屋以狂客有

時來獵酒分韻得客字

今年雨重春風窄春光不在垂楊陌先生種雪一千枝  
自說一枝春一石獨步巡簷意不快大叫張筵召湜籍  
都將冰玉築詩城要與梅花鬪標格花雖童稚胎已奇  
酒似春泥凍初坼執耳公眞主晉盟得雋誰能拔趙幟  
先生豪氣古無敵好客當時曾置驛去年老屋三兩間  
猶請春人布詩席今年拓地已非舊開歲芳樽況今夕  
連朝苦雨前日晴此意關天總當惜似爲芳辰開霽景  
要照壽筵春盞碧上元日爲  
師生辰高會荆妻兒女孫獵酒還

懷古田舍詩節鈔卷一

三

須防惡客

倦夜

蕉院沈沈貯疎雨孤燈不耐茶煙煮牆根草蟲涼未眠  
獨與幽篁隔窗語

感春擬昌黎三首

我所思兮在廊廟鏡裏麤頭吁可笑我所思兮在深山  
草堂無費行復還嗚呼世事誰能究東枝凋謝西枝茂  
蛩駝相依夔獨行瘖雁遭烹山木壽不如且入無功鄉  
庭前鳥語春花香

墻根老桑誰所種枝幹拳曲陰離披含風占露防菊  
落槌如雨傷蘭畦可憐蘭菊走相訴彈劾得不甘蕉  
墮吁嗟爾材本有用衣被天下元功推頗聞今年蠶  
葉早百錢一斤無處祈胡不託根在陌上採摘正  
與羅敷宜何爲此地受讒怨枝葉空大何能爲

南鄰北里春花紅吾廬亦有百尺桐抽青稍放葉  
濯濯垂乳更散香叢叢風條日萼殊自喜露井頗  
藉清陰籠青蟲綠鳳舊相識抱蕊時亦來胡蜂吁  
嗟乎去年憔悴君未見枯枝獨白塵秋風

六月十五夜

懷古田舍詩鈔卷一

三

萬綠森沈漏點遲虛簷如水坐忘時芭蕉墻角有  
聲日蟋蟀草根無字詩永夜風情惟鶴共中年心  
事與僧宜問閒畢竟成何味兒輩忽忽莫遣知

三十年來世故漸熟星星者已不相容文章勛業  
蓋可知矣因念古人或不得志於世皆有所託  
以終不能隱忍從俗爲也無田不能飢臥陽羨  
之謀有志未逮不如舟楫之利已取少陵白水  
漁竿客句請謝二泉圖之乃繫以詩四首畧以



寄意蓑笠稍具請從此辭他日有心人當相尋  
於白蘋紅蓼間也

白水漁竿客春風罨畫溪生涯夢蝴蝶家口問鳧鷖桃  
漲魚苗健松田米價低今年自釀酒拚得醉如泥  
白水漁竿客烏篷鴨嘴船掉頭歌小海赤足扣吳舫雞  
黍畱賓地菰蒲傍晚天南風潮信冷今夜枕蓑眠  
白水漁竿客秋風奈若何瓦盆爲母壽銅斗教兒歌勛  
業綸三尺行藏月一蓑船頭聚鄰叟橫臥看天河

白水漁竿客乾坤任去畱推篷過荻港吹笛下滄洲家  
世不龜手人情深點頭南天渾不雪多事著羊裘

秋懷

江城楊柳強離披又到霜華黯淡時馬有邊聲風乍緊  
雕盤秋影月初移坐消髀肉全無爲苦鍊剛腸轉自疑  
身世蒼茫勞撫枕夜來疎雨幾人知

兵燹連年困豫東更遭河決太忽忽波濤一過魚龍飽  
賑卹頻頒造物窮武陟下流何日塞黎陽上策未爲工  
誰能絕域參形勢別遣支流指混同

荆南三省蓄妖氛游宴苞苴儼不聞民怨自然能閣雨

人飢翻恐易呼羣少陵說早先釐獄衛將征邢遂洗軍  
欲向鈴轅陳上策鵝盤蛇甕倘虛文

大乘三合本相因聞道魚羊又食人責賄已通官縱寇  
僉名不應盜誣民訛言盡說蒼天死掠野眞愁赤地貧  
稍喜灌陽卿侍御祖培肯披白簡達

楓宸

側身天地欲何之搔首長吟骨強支詩敢危言逢有道  
酒能齊物更無疑支離瘦竹苔三徑骯髒秋花雨一籬  
堪笑書生沿習氣身猶牢落且憂時

不專

懷古田舍詩節鈔卷一

三

聰明枉用悔年年一事無成坐不專未擬從軍嘗學劍  
翻因愛博偶逃禪錦囊句拙心還嘔金匱方奇手自編  
便擬頭銜齊署了英雄才子佛神仙

芥隱堂卽事書懷

繞庭千竹翠蕭蕭別取澆花路一條墻角剩寬宜宥楮  
月光無路擬彈蕉夜階行藥雙桐屐秋雨懷人一酒瓢  
絳帕蒙頭君莫笑道書難得要親鈔

荷風瑟瑟雨斑斑睡起看花一破顏水翠雙飛銜果去

庭烏千里帶雲還無人獨坐中宵月有客約游明日山  
莫更齋鹽煩老子舊詩吟罷又須刪

散帶行吟日幾番物情閒當世情看蟻因赴急行無次  
鳩不謀家遇轉安霜柿葉肥供畫稿風筠枝瘦稱漁竿  
從今盡日關門坐不省人間蜀道難

九月二十日同丁履初明經禮出北門作

西風吹雨過疎林負郭剛畱半畝陰剪剪白魚菱葉暗  
茸茸黃蝶豆花深埋頭已歎陳人臥負手聊爲越客吟  
獨過小橋看野色一枝紅蓼感秋心

懷古田舍詩鈔卷一

五

燕塘觀演大礮

神機一出破鴻濛下策無勞笑火攻團帳築營平地雪  
畫旗吹角九天風雷驅玉虎雙輪疾電掣金蛇十道紅  
海上鯨鯢方睥睨將軍須建濟時功

越王臺懷古次樊昆吾韻二首

越王臺畔夕陽天鎮海樓頭生野煙重見牛羊耕墓道  
曾將錦繡裹山川滄溪橫浦三關戍桂蠹文犀萬里船  
今日登高一杯酒請纓無路獨潛然

越井岡頭百尺臺江山無恙客重來當時張樂登高地

萬里蠻荒定霸才，劉景升兒豚犬耳。呂將軍族崛強哉，  
雄圖一散風雲老。斜日黃花滿地開。

紅棉寺

遊人纔來日已上海，月將生人早回。可惜一天風景好，

等閒輸與老僧來。

以上節鈔  
松芥集

小池上卽目書感學誠齋體

墻西小池容兩弓，涵以淨淥春溶溶。傍人頗笑手掌大，  
亦有日月星辰風羣魚。戢戢此最樂，追逐翠影吹殘紅。  
祇疑賦性不得飽，終日仰食聲噉喙。蚌如處女每閉戶，

懷古田舍詩節鈔卷一

三

蝦似迂儒常鞠躬，跛鼈蹣跚更可笑。阿誰攜汝來泥中，  
怯姦怕寒頸屢縮。萬事不理真癡孽，先生飽飯無一事。  
捫腹自照冰霜容，紛然似識磬欬響。仰首欲自明其衷，  
我無川經與巴瑟。川僧吉祥談經  
召魚見蜀普錄與汝言語何由通，欲  
爲汝說世界廣。五湖四海春無窮，汝今眼前有樂境。若  
聞此語心應恫，亦有波臣困涸轍。升斗不至憂長終，若  
爲說此汝亦得恐。汝自滿甘愚蒙，不如緘默笑相對。竹  
影淡淡斜陽東。

潘氏園卽事

花殘蝶老蜜蜂喧春書初長景漸暄白羽一麾因謝客  
黃鸝三請不窺園手中書卷慵還閣舌本茶香久尙溫  
略試平生堅定力忍饑趺坐又黃昏

海紅開罷又金錢躑躅醅醖競後先欄藥綠搖前日雨  
水禽黃點隔溪烟偶翻瓶史教親試近愛茶經欲自箋  
只恐雄心從此耗明朝騎馬看紅棉

又作二首

碧苔磚滑筍泥鬆滿眼生機一笑逢蟻垤雨晴剛撒警  
蜂窠蜜熟又分封鶯黃曉拂烟千縷鸚綠新添葉幾重  
報散書衙天未晚散衣隨意勞花農

懷古田舍詩鈔卷一

三七

風花吹透一庭香裊裊簾旌白晝長客燕禁寒衝細雨  
官蛙噴暖吠斜陽收心只有鈔書法卻老今無餌木方  
坐看清明連日過四時難駐是春光

嶺南荔枝詞二十首

離離火實遍南交潑盡燕支染絳苞甘蔗枇杷剛罷造

翠盤擎出玉荷包

玉荷包  
最先出

風雨今年不損花上糖上水萬枝斜儂家碧玉娉婷甚

三月青青已破瓜

荔枝十花一子龍眼一花十子  
甜  
日上糖酸日上水三月熟者日三月

犀角金釵又一時水枝嘗罷到山枝紅羅銀蠟渾閒事

新種爭傳糯米糍四月熟者曰犀角子蟬鳴熟者曰金釵子皆水枝也水枝先出山枝後之

鄭熊廣中荔枝譜有紅羅銀荔枝大蠟小蠟各種今新種名糯米糍者尤佳核小肉厚味不在挂綠之下也

綠圍腰線界紅裳沙貝先期買夏忙鵲卵龍牙齊頰首

直應王酒配寒香山谷詩王公權家荔枝綠

新興新剖小珠胎淺碧單衫妙剪裁道是有心羞不應

一星檀暈上香腮新興香荔大如龍眼無核近蒂一點檀暈微作核痕

井華新汲定甌深淨綠輕紅冉冉沈為恐玉纖嫌水冷

懷古田舍詩節鈔卷一

故教浮拍上波心水浮子者重而不沈以置水中隨波上下

尚書聲價合專城供奉將軍浪得名自笑丰裁都不稱

省衙新署絳囊生

晶丸霞袋裹蠻烟連理枝頭火齊然最愛同心了髻子

鸞釵先取一雙懸寰宇記廣州新安縣有連理荔枝了髻子見廣東新語

稱身新剪綠羅衣嬌臉含酸酒力微醉倚黃頭奴子畔

從人指摘笑癡肥綠羅衣肥肉微酸別有風韻見新語龍眼一名荔枝奴

玉闌金井夜初涼七尺珊瑚倚象牀梅雨一簾風不透

阿奴焚出水沉香玉闌金井見新語沈香見鄭譜

亭亭翠蓋始朝周扶荔宮中特詔留一夜殿前傳絳節  
側生扶醉拜紅侯

長亭短堦苦匆忙一點離心總戀鄉不到長安名更重  
底須憔悴怨唐羌

一騎驪山暑不禁金盆賜浴主恩深此中空洞容何物  
也似猪龍有赤心

紅雲宴向水邊開拜舞華筵賜紫來驀地傳宣教釋褐  
照人肝膽了無猜

獨樹沙深傍少微輕紅曾照赭黃衣當時祇笑三郎拙

懷古田舍詩鈔卷一

三

三載瀘戎又北歸

沙深民家有宋帝是所賞荔枝

紅冰甜雪皆仙藥卻老何慚棗似瓜翻笑當年勾漏令  
更從何處問丹砂

作賦何人究火離九重雖遠欲求知可憐丞相開元死  
不見紅塵一笑時

玉堂仙子謫炎方天與虬珠作稻糧丞相祠堂何處是  
無人與問黑衣郎

裙腰低束褪吳綾偏袒中單敞玉麈記向南中增故實  
兒童擎出荔枝燈

兒童去荔枝殼中界其膜使之半捲半垂名荔枝燈

年年開社半塘東  
白酒青鹽醉晚風  
爲問錦標誰奪得  
彩頭須賜狀元紅

述瘧柬熊笛江同年

景星

鄧樸庵

清

趙漁璜

兩明經

瘧神自別昌黎公  
乞食水邊交五窮  
後來亦過習之輩  
苦被驅逐饑難充  
一朝望見徐子宅  
冷淡似餘君子風  
挈族來家不容拒  
一日遽變寒暄功  
初時稍稍風戰葉  
漸撼地軸搖神宮  
忽如踞我爐火上  
九轉未就遭炊烘  
渴思牛飲詎用杯  
狂似馬驚不受寵  
昏眠汗雨駭老母

懷古田舍詩節鈔卷一

三

妄語神怪奔兒童  
嗟予涉世苦竦拙  
天與閑歷沈迷中  
頃刻炎涼詭俗態  
片言冷暖驚微躬  
冰淵有象日戰栗  
仕學無成宜孰衷  
骨遭苦鍊祇存傲  
腹被屢攪今能空  
肉黃皮皺命一綫  
奪人鬼手無良工  
常山酷吏首烏懦  
乞靈草木非英雄  
少陵懶餽句雖險  
功已一驗難重蒙  
予詩薄惡鬼所笑  
政要諸君相助攻  
連車束筭幸惠我  
肯和劣句情尤豐  
不然捉筆畫神獸  
捕食惡魔如食銅  
遂江尤扶羸倘起溝壑裏  
看鞠當續籬籬東  
臨池兢兢  
工畫俟報命草書莫道難  
匆匆



將進酒贈屈因齋孝廉

廣培

君不見醉人亦死醒亦死醉死膏騰如夢耳君不見醉  
人亦貧醒亦貧醒時窮愁愁煞人人間責備無窮事惟  
有酒人人所棄人心對面九疑峯惟有酒人人不忌人  
生世上幾何哉今日落花前日開安能以身事驢磨坐  
被造化相牽推燕然麟閣豈不好亦有墳墓生蒿萊達  
哉張季鷹浩然棄升斗使我身後名不如一杯酒鄙哉  
孔北海附會天與地天地若不飲吾飲詎可廢我自飲  
我酒何與世上人大兒劉伯雅小兒石凍春就中聖賢  
爲六親此外碌碌何等倫吾鄉醲然多古春勸君老此  
全其真勸君酒聽我歌按歌須擊金叵羅一年春光能  
幾多桃花笑人顏不酤小槽滴玉珠翻荷君醉不醉奈  
樂何

送燕

送爾差池燕燕歸秋空雲冷且低飛風波無定防杯渡

闕小紀燕窩海燕所築銜之飛渡海翻力倦則擲置海中浮之若杯身坐其中久之復銜以飛霜露何

常慎舞衣曾污琴書休芥蒂再來門巷有光輝紅桃綠

柳渾如夢明日鈎簾百事非

施夢臣同年武光河明經榮瑞魏完珍廷臣皆和

送燕詩各次其韻一首

珍重天涯雨雪霏西風回首故人稀伯勞東去情同戀  
鴻雁南來事又非萬里將雛綿力盡經年卜築寸心違  
湖南客舍淒其甚爭更年年與送歸右次夢臣韻

見慣珠簾語落暉清秋無恙故飛飛全家去國難爲別  
何處依人合見幾前日鶯花春夢醒舊時王謝世情非  
祇應憔悴張丞相繡戶華軒羨爾歸右次光河韻

漢苑釵梁昨夜飛盧家玳瑁減清暉君王醉去留仙拙

懷古田舍詩節鈔卷一

三

公子年來見面稀翠幙難忘當日壘紅襟猶是嫁時衣  
殷勤記得簾前約陌上花開緩緩歸右次完珍韻

詠懷十四首

萬弧擬一鵠何恃不見傷萬緣感一身壽命安得長秋  
聲西南來微月慘不光梧桐怨風雨鴻雁悲稻梁丈夫  
有素志抱膝歌迷陽吳干閉空匣龍吟聲般牀曜靈不  
我待元髮忽以蒼常恐鶻鷂鳴眾草無由芳沈憂能損  
人誰知盛孝章

不清不見塵不高不見危不廣不見削不盈不見虧眾

人座正土醜婦仇淑姬大鵬始欲舉燕雀啾唧之屈子  
豈善淫謠詠傷蛾眉和光同其塵又非志士爲松柏有  
本性歲寒獨歲蕤肯爲桃李容貶此骯髒姿寂寞空山  
中寸心良自知

姜佃種不復舜漁網不償晉文或樹米曾子亦架羊蔣  
琬百里窘三台聲譽光陳平治家困六奇顯疆場奈何  
今之人補履責干將駮耳以守閭不如跛犬良古來英  
雄淚叠積鹽車傍我聞聖人世器使隨園方蜚屋須雄  
風鱗指庸何傷

鱗指見莊子

懷古田舍齋鈔卷一

三

宮戟以刈葵盲鏡則蓋后秦暴乃宮孟齊儒方顯施

見列

子說符冬箒而夏爐是爲不逢時淺夫晚自悔致改平生

爲達人貴在我昭質苟未虧守別而抱璞國寶終可期  
彼哉中流壺投隙理則宜或遭宋王睡十乘誇庸兒行  
險以徼幸不值賢者嗤

圓行方者止雲飛泥則沈漁海喜浮波樵山當入林犧  
牛憚其死文繡無容心鬪體聞當生臏蹙力不任掃門  
覬良遇洗耳愁惡音大鈞毓萬彙燥溼分陽陰人生各  
有志以類常相尋寄謝襪兒載驅厭駸駸海山有知

已移我成連琴

我聞日輪天捷甚四方  
矢人間景一寸天上已千里  
何爲坐姑待一任流光駛  
豈無今日波已非前日水  
灼灼石生火忽忽風過耳  
回思總角事何如一彈指  
後此數十年亦復可知已  
所以古聖賢汲汲自鞭筆  
尺璧視寸陰焚膏以繼晷

日宮二千里中有天子居  
月都星宿城堂堂轉空虛  
八萬四千戶室家懽比閭  
淮南刺雞犬嗚吠相依於  
想見彼中人俯首觀坤輿  
亦如下土輩遶遶羨華胥  
人苦不

懷古田舍詩鈔卷一

五

知足常慕彼有餘服食求神仙  
荒忽慚居諸達矣柴桑翁  
縱浪謝毀譽

衝風赴長林枯柯則先摧  
激濤激崖岸坼隙當首頽  
枯坼我自定衝激何能爲  
人生非金石百歲堂堂馳  
感心百端集勞形萬事隨  
誰能挽日車日暮途逶迤  
一漑冀旱苗小炷留殘脂  
棄汝伐性斧絕余招蹙機  
出入而息迨然無所思

財貨甚毒虵舉世爭奔趨  
峩峩鄧通山赫赫張說爐  
元椒八百斛崇礧三十區  
領軍鞵一屋金銀甕百餘  
三楹

黃雀絳七尺珊瑚株當其全盛時意氣何恣睢人生各有死魂魄無賢愚君看委巷人長餓冬無襦蕭然放兩手亦得歸邱墟

鬮罇布貪網屋角全其生蠶絲被天下既死還遭烹白鷺甘素食紫燕漁飛蟲不免山陰饌或將華屋迎世事良可嗟覆栽以培傾盜跖擁千駟孔墨勞於行壤壽顏乃天鳳瘖臬反鳴茫茫大鈞內漠漠誰權衡與之爲無心一視齊虧盈

后羿雖善射非弓無所施造父雖善御無馬何由馳委

懷古田舍詩節鈔卷一

十一

裘在堂陞公卿相委蛇符傳走關河長吏隨指麾螻蛄困龍蛇失其雲霧時瓦盆酒必薄位賤其言卑假手無斧柯龜山空爾爲管相自叔牙僑政由子皮功業何足言人生感相知

李疆有從事無由辱君平蔡廓憐顧衣食不敢輕劉

簾畏李儉傅金愧陳清

謂劉宴李廙傅堯俞陳師道

尙想巖巖姿見

者移其情將我雲霞上無復鄙佞生古來策許輩塵埃

視簪纓伐國問仁人柳下爲之驚如何昌邑令敢以暮

金呈遂令千載下四知傳令名

心危居不安心足財亦足見利易忘眞傷生由殉欲嗟  
哉斗筭人燒褐覬欽服援婦償禪緇操豚祝五穀齊女  
左右袒東食思西宿脂多燈必冥水滿器先覆射者修  
箸盧鼎冀待黃鵠牛近蜀轉危馬來虞漸蹙折轅方往  
車循轍又來軸

五月生檀葉七年知豫章豈無日及條昨種今焜煌芭  
蕉自云堅聞雷方怒張搖落不終時誰能待秋霜章檀  
初寂寂風雨安其常人華我自樸不屑爭春陽廟堂求  
柱石一旦生輝光載呂頭早白舉奚髮已黃大器終晚  
成遲暮庸何傷

懷古田舍詩節鈔卷一

三

珠江口號

雙蓬搖出漱珠橋撲面風來颭柳梢春到空江無著處  
暗將濃綠釀新潮  
迎珠街畔晚霞烘人影衣香一鏡中郎自高瞻儂俯瞰  
船頭吹過落花風

三元里訪翁心陽卽贈

只認書聲去到門邨路紆人驚前度老山笑此公愚辟  
世松花酒防身竹葉符五窮煩汝逐丁甲可能呼

研精  
王遁

學之

晚知憐學稼舊喜習方書製藥分妻賣

東房膏丹西房丸散

租田

付子鉏飯蔬猶吝筍杖穩不驚魚自詡開山祖招予共

卜居

本上元人

### 西樵山六首

一徑盤空上雙崖積翠屯到天猶有路轉水忽逢邨世

外馴猿鳥雲中長子孫仇池九九穴從此不須論

山上山仍好奇青漸塞天樹藏雲背屋花落洞中泉莫

問今何世能來卽是仙芝田容易買悵賣文錢

懷古田舍詩節鈔卷一

七

二十四泉水泉俱有聲最宜雲確轉不覺寺鐘鳴價

問金花酒香傳玉糝羹低頭南海上明月忽東生

福地人寰有崎嶇不易行未教僧占去祇此洞生成莫

遣桃花豔流來澗水清問津劉子驥傳汝世間名

何處歌聲起青裙競采茶石田山頂有仙派雨前誇缺

典曹松廟

相傳唐詩人曹松始於此山種茶

清風陸羽家夢中五色筆

一爲賦雲芽

雁陣催寒信雞鳴發海光秋深花不落天上日眞長古

有藏書地今無種玉方尙書畱教澤松檜有餘香

山行口號

蓑笠相逢荷鍤還，綠疇開遍紫雲間。  
世人祇作青山看，天上誰能白日閒。  
石扇擁霞封洞府，邨春和瀑語花關。  
萬隣千宅吾何惜，難得身如木石頑。

白雲洞看瀑布

恐是銀河有路通，溼雲不動白濛濛。  
飛流落地仍天上，杲日當頭只雨中。  
入夜風聲寒未減，下山支派杳難窮。  
茶田試闢三千畝，試汝滋培灌溉功。

大科峰展眺

半見山頭半見雲，下方人世儘紛紛。  
江河勢遠秋來合，風雨聲高日夕聞。  
寒樹碧圍倉帝廟，亂茅黃過阮王墳。  
袖中未有驚人句，搔首天涯日又曛。

歸舟口號

幽興那無戀浮生，亦有家曾來天上。  
宿且向世人誇野衲，求題句山翁贈采茶。  
歸裝差不俗，兩袖古煙霞。

遣興

土拍水不清，物拍人不壽。  
誰能去衣食，野處若禽獸。  
所以古至人，裁量節所受。  
養性非性養，眾欲塞其實。  
利害



視灰塵生死等夜晝快哉逍遙遊暢矣山木寇  
舟浮與車轉其勢有自然任智以爲孽是之謂違天智  
愚同料事得失皆難全緩步安於後疾行未必先離朱  
喫詬徒大索窮深淵異哉使象罔赤水元珠旋

我觀天地間萬物各自足魚不羨高空鳥不慕深谷鶴  
脛雖苦長鳥足豈思續焦冥與大鵬各不相統屬等爲  
造物弄何事見迫促從今守邱壑得隴莫思蜀

竈竈屈義渠龜藥隱緝洗一朝用得所愈病封侯王六  
經聖人書治道罔不彰奈何讀周禮安石以宋亡不如

懷古田舍詩節鈔卷一

堯

學申韓秦霸由商鞅漢人用黃老下民亦小康

抗懷望世宙元會何邈綿勞生等石火莫問誰愚賢螻  
蛄永旦暮靈椿瞬八千長生與速朽各自全其天多謝  
世上人營營爭勢權金尙餘幾所不如早歸田

集

以上節鈔辛丑

浴日亭用東坡韻

癸未

紅日滄波萬里天危亭終古對江灣五更曉色開金闕  
一片秋聲湧雪山渤澥卽今通衽席蓬萊何處有孱顏  
若爲呼吸求真宰只在蒼茫浩渺間

西風蕭颯碧雲天  
遠樹依微黃木灣  
詩到坡仙雄似海  
碑傳吏部重如山  
東流不記千年事  
曉日仍開萬古顏  
江海一身真叢爾  
也來點綴畫圖間

韓雲卿都閩邀食蕎麥麪有感

憶昔連年客京國  
日日載酒招同羣  
看花賞雪每至暮  
盤饌雜選羅羶葷  
韓音羊豕皆熟客  
尙食惟許溫陶君  
筠籠炊粝十字裂  
地鑪揀炭胡桃紋  
高糧出甕峻風骨  
百盃一吸忘朝曛  
此時秬稷且不顧  
蕎麥錚錚安足云  
畢羅祇稱老農活  
餽飪政笑山僧分  
自從歸來賦南食

懷古田舍詩鈔卷一

早

五載不夢燕山雲  
桄榔麪滑椰醴熟  
鄉味稍稍安榆枌  
此方豈無種牟麥  
入夜輕花滋瘴氛  
性滯偏工嘔酸冷  
比較北派如蕪薰  
今晨何晨指忽動  
喜見甜蕎鳴齒齟  
海船遠致帶潮味  
越碾細磨含霜零  
綠毫龍角葱瑣屑  
翠挑鼠尾絲紛紜  
平生不食今飽噉  
不爲色香能苾芬  
政如故人苦久別  
得見其僕心良欣  
詢知此亦不易得  
宦場餉餽包元纁  
物離鄉貴古所嘆  
豈惟買齋須論斤  
聊憑長吟發感唱  
寄謝主人情意殷

酬顧蘅沚司馬

遠承

藉甚狂司馬常稱老畫師行藏天白斷山水晚方滋名  
士專門極粗官脫屣爲向來經世想猶恐白雲知

竟有閒居賦翻憐秋興詩紀游天盡處懷舊月明時籌  
筆蛟龍聽鳴絃父老知琅琅濠鏡水別後幾相思

賃屋今如此牽船事若何擲揄到山鬼詩酒亦窮魔者  
舊襄陽井先生安樂窩南鄰翟夫子乘月倘相過

不仕吾何敢甘貧卽有焉君贈詩云甘貧非  
傲世不仕爲娛親逢人借牙

論此義亦雲天石上三生契榕西一飯緣未應歸興切  
離恨動新年

懷古田舍詩鈔卷一

望

玉山樓春望 甲申

樓南樓北綠周遭春雨春風笠屐豪萬井人煙憑檻出  
一城山色捲簾高野桃紅認昌華苑官柳青連玉帶濠  
莫問呼鸞歌舞地英雄局散到風騷樓祀高固楊  
字等九賢

題陳苕邨水西草堂吟稿

詞場酒地總相思湖海論交更有誰此事情深都是累  
如卿才絕且須癡三生風月曾前夢四十功名篋底詩  
一度開編一搔首爲君吟過落花時

野樵歌送喻野樵歸安義

人怪野樵野我愛野樵眞野樵樵野非樵薪平生不讀  
撼龍文獨持一寸青白眼看山入骨山靈噴前年野樵  
客武夷聲名已被羊城知野樵南來奮髯戟一日罵走  
紈袴兒兩年以來數知己伯天潘李池及余數人耳此外  
豈無鄉曲豪明珠白璧爭遮要野樵大笑不掉頭此豈  
可以致野樵野樵自不要人識豈知姓字畱眞籍漫浪  
人間二十年惟有老仙瞞不得蘇州有人得地而難於  
扞穴以凡卜之回道人  
判云姑且混葬廿年後自有喻者及野樵遊吳乃爲遷  
定其地計去凡卜之日蓋二十二年矣始知喻者卽指  
野樵之野樵爲我言仙亦頗有之近來靜坐得佳處尤  
姓云

懷古田舍詩節鈔卷一

聖

厭薄俗喧而卑政憶往時游泰華俯仰空濛小天下雁  
宕天台總世情吾鄉匡廬倘其亞誓將拂衣歸故邱筍  
鞵桐帽逍遙遊吹簫或遇洞庭呂入山便訪淮南劉野  
樵一身來今復一身去無酒飲君如別何君行索我題  
詩句野樵野樵我亦非兮之裔化鶴之鄉夢中曾拜張  
子房切松煮朮有夙志金貂肯換芙蓉裳語君一語君  
勿忘丹成且莫朝天闈遲我紫霄石梁上一尊與爾論

滄桑

淨慧寺塔

魏峩二百七十尺八萬四千此其一高標南海傲風塵  
平地青蓮真湧出晉網瑤璫曳晚霞圓泉方井光交加

王子安記散華璫於月徑璧合非遙綴晉網於星濤  
珠連可驗瑤窗繡戶洞達交輝方井圓泉參差列景絕

頂茫茫俯人世三飛不到愁棲鴉高榕已化豐碑壞此

老巍然閱人代曾送降王執旌行又見平南開草昧大

同以來今幾春千年俯仰指屈伸若從羊石論前輩壺

漏仙鐘總後塵

以上節鈔  
榕西上集

### 遣懷

長檠短榻稱疎頑老解西頭借一閒入屋苔新爭占地

懷古田舍詩鈔卷一

聖

依林筍弱怯分班雨將春去渾無賴愁逐閒來未忍刪  
髀肉漸生心漸死未能拋得是青山

### 馨雲歌

馨雲子榮秋生體如瘠竹碧兩睛言孤笑冷不可近酒

酣自稱吾老兵老兵有筆半尺強插架睽睽飛雄鉞龍

須鱗角不足數百火自鍊羊頭鋼瀟湘笛材天下奇截

肪當紙畱霜皮樓臺彈指現絜黍須彌芥子誰能窺去

年贈我柄紈扇方寸刻盡迴文詩旁人聚觀使我汗至

今藏之不敢持今來告我捉刀術竹骨嫌輕石不密漢

銅秦玉有家法君名庶可當吾筆我笑微名何足鐫平生  
生意氣正可憐學書不擬寫屏障得此無用如石田君  
今抱此大筆椽徑須從我登燕然摩崖作頌字斗大神  
功聖德傳千年不然挾爾羅浮巔龍公竹節徑丈圓鏤  
我琳琅千萬篇藏之便待其人傳世閒小兒乞不得一  
字取直十萬錢

夏日遍游廣州城外諸山林園館用少陵遊何將

軍山林韻十首

出郭謝塵鞅沿溪逢野橋高雲涵水木細路接煙霄白

懷古田舍詩鈔卷一

四

塔如相送青帘早見招中天瞻積翠未覺玉臺遙

北門外

雲泉幽絕處最憶舉家清蒲澗三生石榕庭四月鶯松

黃朝試餅玉糝晚分羹借得鄰僧笠相期采藥行

蒲澗

絕壁千花覆危橋一木支聽松來野寺煎茗過靈池瘴

滅癡龍醒雲涼老鶴知微吟成坐對蘿月淨披披

白雲寺

徑轉蕭蕭竹墻垂面面花林風喧鐵馬池日掣金蛇北

牖涼初試東皋跡未賒向來歌舞局容易問山家

東皋

伊昔人文盛南園雅社開衣冠追鄩杜詞賦集歐梅尙

有紅棉在曾陪白醉來高風誰抗得惆悵立蒼苔

抗風軒

雙蓬濠口渡一道柳陰泉山色供明滅荷香遞耿縣

藏

春誰築鴨買夏祗銷錢不信紅雲歇重教畫輞川

柳波深

路轉雙谿盡風迴兩棹香園林沿水出語笑隔花涼自

古銷魂地猶傳豔骨藏芳田三十里回首暮煙蒼

花埭

舊聞師子國樓觀碧差池白玉衰城郭黃金織罽羅鋪

張原異俗摹擬到癡兒省識皇華館乘槎遠興隨

十三行

誰賣中華雨曾興海外雲人傳布金地獄起上樑文榕

月塵難到荷風佛肯分門前五都市侵曉看紛紛

長壽寺

一坏俺答墓地下奈愁何豚犬承家少風雲報國多馬

懷古田舍詩節鈔卷一

聖

畱春酌酒鴨子夜聞歌殿角槎枒樹胡鷹時見過

報恩寺

學海堂落成賦呈芸臺 宮保八首

城轉峰迴面面春中天積翠鬱嶙峋風雲舊散英雄局

山海新扶大雅輪堂上衣冠先得氣社中香火豈無鄰

南州師友從今數同是千秋有事身

一夜移山生面開十年樹木氣佳哉龍門直上雲端去

鶴奉纒分日下來天許瑯嬛增福地人傳炎海近蓬萊

何時預下珊瑚網百尺當門見匠材

門內紅綿一椽高可八九丈

五嶺南來氣鬱蒼牂牁東去挾滄涯潮聲夜捲梅花嶼

雲影春浮錦石岡四面陰晴分下界一天虛翠擁華堂  
不論北海傳經地祇是登臨已擅場

行過長廊路更幽高榕分翠滴人頭鋤寬月地花成國  
泊穩雲根屋似舟直取好山爲遠供別從滄海看支流

宵來幾處書聲起驚破江城萬頃秋

堂後東嚮數楹爲啟秀山房

六角危亭結構奇簷花平覆竹斜披方壺員嶠誰曾到

翡翠蘭茗此一時

至山亭在啟秀山房北

林隙風清蟬語熟墻根

雲滑鶴行遲晴霞飛上文瀾閣回首奎光正陸離

堂成後復

於堂外路西建文瀾閣

懷古田舍詩節鈔卷一

異

此地曾經霸王來登高歲歲憶雄才芙蓉金橘花間路

濁酒清歌江上臺黑水劫灰無處認青山文運有時開

荒宮雲樹龍宮月從此三分費翦裁

堂北枕越王臺西北接準提閣東鄰

龍王廟

碧玉樓空不可尋南園南望莽蕭森清泉精舍無遺址

黎瑤石清泉精舍在粵秀山麓今大廢爲民居無知其處者矣

寶月高臺孰嗣音百代

淵源前日事千間廣厦古人心昌黎可是迴瀾手開闢  
炎荒直到今

千頃澄波未易量異時丰度拜鱣堂學山政愧邱陵拙



語海翻憐澗壑忙萬里培風心敢負百年汲古願難償  
祇應賦得雲山閣猶似秦觀急就章

十二月二十六日陳任齋招同鄭棉舟

茶

鄧約之

兩秀才集醉雨軒小飲出示秋花倡和集屬

題長句卷尾

清溪處士

任齋自號

花爲命尤愛寒葩見高行野屋常教三

面植異種不惜千金聘餘閒爲酒續孝經好事與花編  
月令尋常圓枕聚寒香從此方瞳翦秋鏡竭來飲我醉  
雨軒爲我殷勤說花性揀泥首忌暗潮鹹削杖先防晚

懷古田舍詩節鈔卷一

七

風橫雪裏養胎藍玉煖雨餘拭葉吳綾淨山陰九要不  
足法幻弄青紅本非正吾家兩世種秋光方法至今傳  
子姓又言今歲花事好照座霜華萬千柄經時辛苦秋  
告成如此豐年要同慶徧邀鄰里布詩筵特爲狂吟弛  
觴政當頭明月自今古到口深杯忘賢聖一花輒擬酬

一詩往往歌呼雜嘲評君看此卷足秋聲翡翠鯨魚亦

兼併

任齋首唱菊泥菊杖菊酒菊枕四詩和者闕穗田黃蒼崖陳芑邨朱曾原及君昆仲春山淮湖等廿

餘人我聞此語素心同復誦新篇豪氣逆向來隱士數柴

桑對菊無錢空嘯詠天隨窮餓尤可笑撥拾疎枝甘老

硬紀列賦云夏五月枝葉老硬氣味苦澀且暮猶責兒童輩掇拾不已卽今豈無統袴子

輒慕高名亦心敬瑪瑙雕盆玉作欄密脚平頭足花病

籬落何曾一顧來可憐寂寞花開竟如君雅興豈易覯

賓主風流況輝映譚頌卿秀才館君家君言今年種花之功頌卿居其大半至是既和四菊

詩復成絕句三十首且爲集敘甚工失時不赴增我悔入社已散勞君更

古時高會有遙續今者新盟誰共證故人鄭鄧亦勅敵

旗鼓中原試相競已見清吟消濁酒棉州題詞四首約之和四菊詩復和

絕句卻緣後美思前盛登壇祇少萬花圍逐鹿正難分季

孟我詩寒瘦不足言敢與諸君爲後勁

題顏秀才坐雨圖

今年入春四十日祇有雨氣無青天空齋起坐絕聞見  
夜夜積雷敲階圓前檻老蘚漸張王挾勢遂欲侵屋椽  
同城知好寸步隔玉壺共賞無由緣祇疑神龍厭久蟄  
出游不返誰能鞭傳聞又恐西潦發已見濁沫浮清漣  
掃晴無計坐束手邑邑惟有埋頭眠崔家表弟踏雨至  
索我更作坐雨篇出君此圖滿雲氣使我歎息心茫然  
想君秋館會朋友日日高唱驚林蟬是時七月熱猶酷  
汗雨澆透吟詩箋每聽蕉葉盼涼雨有賣不復論金錢

忽然滂沛自可喜  
潑墨何怪襄陽顛  
於今風景又一變

心香老屋堆寒煙

心香老屋秀才所居齋名

豈惟乾愁我獨抱  
正恐

別緒君同牽  
縱令舊雨肯相過  
坐對定復憂  
豐年人心好  
惡詎有定中流  
但覺匏瓜賢  
卽如時雨潤  
萬物澤在長  
養神功專  
恩多賞濫尙  
取厭何況霜  
雪專威權  
天心仁愛不可  
料肯令腐耳  
生高田會須  
晴霽走相訪  
與子坐月清池  
邊還約當時  
聽雨伴好句  
乙乙珠同聯

正月二十四日與熊笛江張平石同遊粵秀山寺

作贈夢湖上人

乙酉

懷古田舍詩節鈔卷一

吳

松風吹宿酒  
偶作訪僧行  
遠樹綠藏寺  
好山青入城  
一

窗開野色雙塔鎖江聲

坐見東圃  
琶江二塔

省識窮通理  
浮雲眼

底生

春草路邊寺  
夕陽江上城  
天聲送風雨  
海色界陰晴  
潑

墨山應笑

笛江爲夢湖  
作山水便面

吟詩雲忽驚  
平生邱壑意  
到此

一關情

夢湖出扇索書走筆贈之

曾來山寺訪紅棉  
記得花關夕  
照邊青草池塘如  
昨日  
黃梅風雨又今年  
聞鐘愧我三時課  
試茗參君一味禪

莫更羅浮孤夙約打包行腳趁秋天

四月十五日笛江座上聞易君山

倚忠

談頂湖瀑

布之勝適隱公以頂湖廣禧方丈便面屬書走  
筆成數語寄上

頂湖瀑布五百尺洗出晴天兩邊碧寒巖蝙蝠如竹雞  
俯啄苔花向人立空空濛濛澗底松十里五里聞溪春  
傳聞到此夢魂冷豈可久廢看山筇已約東南風明日  
吹我至一滌塵土胸吟詩入空翠寄語東林賢主人相  
煩更掃琉璃地

懷古田舍詩節鈔卷一

五

題宋蕩塘畫牽牛花

銀河涼浸二分秋風葉雲根各自愁如此蟬聲如此夜  
有人花下詠牽牛

一角秋容點綴新紅牆東畔水粼粼若爲寫得相思影  
與寄秦川織錦人

題何荆山琴趣圖

石氣動寒碧野館秋沈沈高風起寥廓中有太古音誰  
歎此靜坐不默亦不吟忘言對松雪清香凝晚襟高山  
與流水在我非關琴古人誇無絃寄遠趣白深白雲在

青天寥寥安可尋  
添我持空杯  
伴君此時心

六月十四日梁子春招同熊笛江崔心齋孝廉

良譚玉生秀才登集有寒木齋

雅士無俗寄  
餐勝依林塘  
端居眷時燠  
招客分午涼  
入室迷眾綠  
庭薇炫孤芳  
茶瓜有妙理  
爨鼎涵幽光  
何以消白日  
疎簾媚清香  
陳局掃空翠  
蕭然成坐忘  
有時一撫掌  
流韻驚煙篁  
趣洽晝同永  
交新意彌長  
願言續高社  
長此陪文觴

觴詠詎云已  
落日微涼新  
長空月欲出  
好雨先清塵  
坐

懷古田舍詩節鈔卷一

五

閱變耳目高  
談信天真對  
酒君當歌  
卽事休懷人

謂顏君猷

孝廉已故勞生與逸死  
異感同此身  
古人念長夜  
秉燭非無

因天風吹秋河  
插屋波鱗鱗  
孤鶴東南來  
可望不可親  
隨意臥花影  
勿論誰主賓

送顧蘅沚司馬之碣石

一年一度送君行  
聽慣驪歌了  
不驚山海又  
增詩境界  
魚鹽休薄古  
功名東南阨  
陜三關險  
甲子煙濤八月晴  
想見秋城高柳外  
長吟時和老鯨聲

一囊煙翠壓肩  
寒行李蕭條  
稱冷官

余以羅浮山志贈行

桂海不

成修筆記

君本奉銅差擬就途中見聞著三十六江圖考

羅浮應得問金丹

賓湖上藤花紫行部山中榭葉乾四百二峰秋色好異

時還借故人看

方約遊羅浮

### 葉蓉塘月夜聽歌圖

吹破梨雲笛一枝碧天如水月明時芙蓉蓮子同心曲  
楊柳櫻桃本事詩自古難消惟豔福向來所得是相思  
祇應曾被嫦娥笑如此樓臺照別離

### 雲和行

劉肖山孝廉

文綱

談興國陳君宰雲和縣事余

懷古田舍詩節鈔卷一

五

適心有所感述爲長篇以誌傾倒

聽君談循吏使我森動色循吏爲何人興國陳治策髻  
齡奮天才雅志在竹帛設身論古人著作輒一尺雖爲  
童子師不守兔園册喜從老農語了辨菽與麥踏蹬四  
十年不出五畝宅所以田閒書講究甚精覈嘗登黃鶴  
樓弄筆嘲太白譁然驚羣兒怪吠一遞百少年輕淮陰  
此事自古昔鴻鵠有遠志燕雀豈能識雲起龍騰梭一  
旦登巍科南宮又得雋出宰來雲和雲和古窮邑四野  
多榛荆民田雜官舍中無三里城君時從獠奴還向阡

陌行爲言此沃土可惜鹵莽耕修爾蕩水溝一縱復一橫辨爾稼下地宜秣或宜秔粃泥及淤蔭指授開壟盲高陂蓄春雨宣洩皆有程是秋果大獲三倍連坻京熙來走相告惟公生我氓小人有鷄黍斗酒如公清時來古松下半路邀淵明三時及八節羅拜趨公庭青青柳條筐中有玉糝羹粉糝與寒具物薄意不輕山花照邨婦襁負連孩嬰竭來尋小君亦敘家人情君開治事廳遂召鄉父老昂哉爾來前樂歲不可保不見蟋蟀詩勤儉以爲寶古人宰一邑入境聞弦歌學問止論語其如

方穀何稽首謝明訓父母不啻過向來競升斗雀鼠爭誠多如今禮義興讓畔理則那向來憂萑苻擊柝勞守衛如今臥松風月戶敞不閉書聲起茅屋童子丫兩髻報公輿人歌娛公以孝弟祝公千百年幸此山水地千年意尙短三載何忽忽公乎歸去來山資稍已充長林豐草閒復侶漁樵翁可憐雞豚社婦孺思樂公至今墮淚碑高揭吳雲中再拜問先生斯人今在亡斯人竟黃土使我心煩傷王景興芍陂張禹開蒲陽魏時皇甫隆穉犁教燉煌所居輒民富前史稱循良不養豈能教此

理原彰彰朱邑一守宰廟貌畱桐鄉志士行所學詎必  
官職揚拾遺美春陵傷時無龔黃願其爲方伯治理可  
小康卽今河南北比歲多凶荒下流又不靖淮海蒙餘  
殃飢人實轉徙賦粥煩

天倉我懷盛明憂三思熟中腸亦願得君輩分治千里  
疆如此數十人與民爲保障流宄盡歸耕布置各有方  
三餘足百姓至富閭閻藏肫然美風俗四海如虞唐嗚  
呼公不歸使我心煩傷躄作雲和行爲君歌慨慷

頃晤雲和訓導葉去病敬誠薦人也詢以陳君事實

懷古田舍詩節鈔卷一

善

乃不盡然蓋陳君長於爲文嘗修縣志以其教耕諸  
法載入民亦未能從也其爲政寬而有制民尙安之  
但不足以當劉君所述耳善善從長故仍此詩而識  
之如此戊戌二月鐵孫記

送別劉肖山兼呈阮敬齋秀才賓賢時三君皆隨

人陳心畬漕帥中令北行撫時感事走筆成此不

小煎明自知其迂僭也

淮揚貢道天下衝咫尺

國脈懸司農去年禦黃誤一蹶上游涸露生菽蕘引黃



濟運計又失濁汴所過無清潔自昔防河等防寇豈有  
佐理資頰凶傳聞異議不忍聽淤梗一旦妨儲供輦車  
驪駕豈得已致石已費數十鍾泥霑雨溼更狼藉千里  
絕路縈秋空

國家帑賦各有定嗟此兩耗安能充書生狂瞽不自量

一得軌欲抒愚忠巴延轉海有成法摺運創者苗時中

魏家邸閣亦不惡招商折色理並通聞現在重運在揚

思瞽之見以為急須改由海運俾漕次得專力挑河以

備明年新漕此上策也略仿魏邸閣唐北運之法將現

米分寄縣倉一面專力挑河俟明年新漕至時再將寄

倉之米帶運此中策也仿宋摺運法州縣案遞糜費擾

懷古田舍詩鈔卷一

五

民此雖下策然得專力挑河不誤明年新漕亦可斟酌  
行之凡此三策皆宜兼行折色招商之法奏請京城  
官兵俸米以五分之一酌量折銀支放一面弛海禁招  
米商略仿去年招買臺米之例令該商自運至京官為  
定價先買其半其餘一向來論此君頗笑謂我躁率真  
李養商民自為交易

狂童昨宵飲酒執君手指眎妖彗光隆隆方今

聖世詎有此此崇實在天庾東布新除舊已成象

天意或者非夢夢古人害十可變法己日乃革由羣公

謂海運漕運君今書劍何忽忽北上結軾隨雙熊主人

幹濟為時出區區漕輓輕刁雍便應此去儻賓客早已

戶祝勞線窮心畬先生先巡福星何止壓憂患集思況

復勤天工我言可否試一質海量自可江河容人生知

已實難得若避嫌怨非英雄省山於漕帥每有知己之感送君不暇

及私語此意知者元瑜翁以上節鈔格西集

### 登三十六江樓

海上雄風借半帆天涯秋色照躋攀一枝塔鎖三江水

九曲欄朝四面山人影動搖寒浪靜詩心來往夕陽閒

愛才誰似顏都督迴首華屏自汗顏樓在三水縣城外為儀徵宮保創

建邑人梁光槐賦三十六江樓歌宮保命謝堯江孝廉念功書為屏張之樓上梁君高才遠應今年秋試復

報罷而榮以小句受知宮保乃蒙資送隨計入都登覽有觸深自愧也

懷古田舍詩鈔卷一

五

### 胥江道中

浩渺胥江水經秋亦有灘岸流篩月碎邨樹抱雲寒篙

淺喧仍阻田低綠已乾不論憂稼穡行旅自艱難

### 過清遠峽

陡覺雲當面稍驚山壓船碧縈羅帶水青入手巾天城

古干人杳松多萬壑連誰能尋帝子來結讀書緣

緯與風爭命篙將石作仇雷聲翻地底人影上雲頭利

涉吾何恃名心此卽休祗應憐老衲安隱臥鐘樓

路轉仍危石峰迴又夕陽古雲晴自溼空翠晚逾涼是

處人愁旱山田爾獨良險中還一慰此意極蒼茫  
七回經福地一度扣禪門記取詩痕在依然野氣昏曷  
求金色鯉難覓白頭猿又送前峰去鐘聲斷客魂

觀音巖

連山幾百里中斷如削瓜驚流漱其根開作青蓮花嵌  
空藻井出窈窕文欏斜飛仙之偶遺梵王晚來家鍾乳  
滴纓絡雲根割袈裟反宇臨欽岑豁洞披豁衍想見開  
剎初藍縷驅龍蛇我來繫漁舫險磴紆盤蝸骨山僧不  
肥見客如驚鷹窺崖蟄舊燕掃壁黏乾霞指示牀下竇  
逶迤通落迦小坐不敢畱盲風起天涯迴颿戀光景舵  
尾秋嵐遮清鐘忽一杵漠漠飛天葩

十月初三日度嶺喜晴

嫩晴吹到古城邊破曉西風正可憐十里寒松開遠色  
一肩行李壓秋煙相逢塞雁同爲客無恙雲山又結緣  
前去紅梅仙驛近南枝消息問今年

梅嶺肩輿中作四首

陟遠戒行李徹旦疑簷聲僕夫有好語嶺色催新晴喧  
呼命晨駕出城心始清高松擁積吹夾道先來迎霜橋

履危構俯視泉錚錚誰開杉葉棚土竈調瓶笙得趣且  
小憇前路方崢嶸

飄飄黃篋輿空山夏秋響吟身惜閉置縹若魚在網散  
衣試行腳耳目得一畝山花有逸趣摘玩每盈掌前峰  
何空濛午氣正蕭爽歸雲漏微雨野日失清朗美哉槐  
花塘忽忽誤幽賞

雄關界高空削立幾千尺行人人生壯心輿子有畏色一  
飯作其氣渺莽隨所適天風吹秋嵐生翠灑巾幘一綫  
關天光三禪證雲液堂堂丞相祠可望不暇卽揮手謝

南雲梅花笑行役

懷古田舍詩節鈔卷一

五

上嶺珠貫蟻下嶺壑褪蛇崩雷隱脚底絕澗如削瓜高  
深凜前戒安步當輕車回身望白雲嶺樹千重遮衣上  
嶺南日散作章江霞前邨赴暝色淦淦炊煙斜蒼茫問  
寒路投店隨歸鴉

十三日泊舟滕王閣下夜二鼓矣與陳鐵舫

毓珊

王子一

貫之

胡養田

培

新城門外訪婁妃墓作

空江如夢夜初分漁火參差隱斷雲獨挂短帆衝月去  
無人知是訪婁墳

大安寺觀赤烏二年鼎

豫章城頭霜欲冰訪古曉隨鴉鵲興大安寺鼎喧萬口  
入門正見秋雲層蟠螭三足踞高座上有豕腹危峻嶒  
攀援瞻顧不得上觀者先後梯而升傳聞漢水冷徹骨  
洗眼可見雲中蠅項閒款識篆非篆赤烏二年作者僧  
大檀越主首誰列大王乃以邾亭稱是時佛入未千載  
將相江東先服膺慈恩不赦青蓋入勝迹尙有精藍仍  
金銅仙人久辭漢泗水古物終飛騰焦山常武有著錄  
咫尺未許函牛矜後來寶鼎亦紀號卽今成毀安能憑  
信哉空門有佛力保此尋丈無騫崩徘徊撫翫不忍去  
生如汝壽知誰能

樵舍

天南螢燭煽妖輝龍子分明作事非入幕虛名無李白

太白詩虛名適自  
誤迫脅上樓船

脫簪危諫有黃妃洪都繩武謀原左

樵舍觀師願竟遠羸得將軍誇廟略九重威武耀兵歸

吳城道中

江河東下日滔滔大艫長帆且自豪風裏始知彭蠡大  
雲中先見皖公高艱難共慰惟劉墮左右相依有孟勞

不信古來增意氣男兒惟是重錢刀

安慶謁余忠宣公祠

石人嚙目紅軍變漢兒燒香焚赤縣色目孤臣血淚垂  
食人之食今何時保障東南要人傑翰林諸公笑公拙  
知其不可忍不爲有勇知方敢輕說多少危城恃此軍  
一朝烽火照三門平生直欲爭天意倉卒誰思報國恩  
徒步提戈呼死客我當矢石爾殺賊咄嗟爾輩亦有命  
此盾何爲在我側臣力竭矣臣無功臣子死孝臣死忠  
部民亦爲中丞死白日孤城血光紫千秋萬歲清水池

懷古田金詩鈔卷一

六

碧血蝕盡苔花滋行人再拜夕暉下肅肅靈風吹桂旗

蕪湖懷虞雍公

雍公昔犒皖北寇方南臻兩軍失所統洵如驅市人部  
署片言決壁壘一旦新氣吞赤白馬力鼓左右甄戈船  
與下瀨大舉清虜塵自從南渡來畫江但逡巡一朝露  
版上千秋京觀陳古來幾英雄倉卒施經綸張公入睢  
陽伯紀守汴濱皆非訓練士操縱何其神穰苴斬莊賈  
孫武誅宮嬪尙須藉軍威知匪儒生倫當時喻蠓箸謙  
德寄笑嘖想見山海襟中藏浩無垠我來弔戰地野水

浮青燐望古發長謠壯氣增嶙峋

太白樓懷古

仙佛前身莫漫猜臨流宮錦自裘裒虛名能誤非眞福  
平世難容是大才湘水魂歸應共語少陵夢起有餘哀  
蛾眉亭上青山月又照詩人幾輩來

采石磯觀常忠武王戰處

開平擇木趨和陽夢中甲盾呼眞王饑來就食且謾罵  
顛倒英雄吁可傷是時采石足官健廳子新軍森設防  
芙蓉烏筓杳天半竿末接絙無沈光將軍橫衝丈八鎗

懷古田舍詩鈔卷一

空

上流飛舸來堂堂應聲一躍忽三丈跳盪左右天飛揚  
從茲遇合作心膂論功第二書旂常胡爲一傳降岷隸

龍州曖昧三山狂

事見明史本傳

或云上天悔殺運池阮顓赦

纔相償高皇赫赫有明訓仁將國興家亦昌百年事過  
感行路江聲樹色增燿煌丈夫生世重知己幾見九重  
爲發喪行年四十名萬古浩氣只在鍾山旁邵榮齷齪  
雞狗耳肯與竝世稱三良

金陵懷古

龍蟠虎踞說三分六代飛騰亦有君設險至今天塹水

相思終古敬亭雲黃旗紫蓋銷王氣折戟沈沙弔夕曛  
劉氏三巴朱建業兩朝終始試同論

金陵雜詩三首

驢背山光翠漸移莫愁湖外晚鐘時金風可是相料理  
吹得閒情上柳枝

簫鼓迢迢媚晚風天邊樓閣夕陽紅無因借問犁眉叟  
畢竟秦淮也向東

打槳秦淮趁暮潮碧欄陰處聽吹簫無人會得臨風意  
金粉忽忽送六朝

懷古田舍詩節鈔卷一

三

勝棊樓拜中山王畫像

莫愁湖上花含煙莫愁女兒金髯船划船輪租向何處  
中山湯沐皇恩偏共言此地償博進一枰風月百頃田  
何殊賭郡召元保恐是平吳酬茂先武寧大功蓋天下  
赤手開闢明山川兩都三省百郡邑易茲蕞爾亦可憐  
我聞舊邸有特賜醉昇正寢方酣眠下階半夜呼死罪  
此獨不辭何晏然當時魏國世守備領軍府事三百年  
羽儀勝膽會佳客豈無花石追平泉時人好事每附會  
遂有佳話相流傳君臣一德亦可想布衣之好修拳拳



褰帷再拜溯精爽不伐不矜天德全

王字天德

方屯雷雨造

草昧不嗜殺人勝天許余一本敢自外非葑妄意希

蘭荃大謀小忍謝明訓手采湖蘋羞几筵

余卜得第三十八籤云同

氣連枝莫遠離非葑下體漫相遺從來小忍謀成大人定難將天定移

### 十二月初二日登報恩寺塔

羣山西北擁晴川萬井東南捲宿煙人影忽驚飛鳥外  
天聲相答晚風前慈恩難遍三千界王氣平沈二百年  
聞道一家開殺運更求冥福最堪憐

### 紗帽洲

懷古田舍詩節鈔卷一

奎

夕陽澌澌拍危橋紗帽洲前上晚潮楓葉蘆花三十里  
東風留客看金焦

二十三日南沙河冒雪曉行至界河題店壁

官橋老柳凍欲禿牆頭饑鴉作人哭遙天暮合漸無聲

瓶酒香沈火光綠一更二更雪勢興三更布被忽有稜

鬪豔無能月先死閣寒不住雲俱崩此時茅簷睡正美

呼起推入荒寒裏車聲搖搖何所似一葉孤篷裊煙水

茫茫萬頃天地開俯認蹤跡誰先來驂驢仗汝開道路

碧影一綫通金臺行路難君莫哀君不見前邨白屋何

醴醞三杯輒腳意亦美一曲煖眼須徘徊須徘徊歌且  
斟田家三白有好音先生苦寒猶可禁爲汝更作快活  
吟

中山曉發

高星朦朧月欲午驅馬夜出中山店一林凍柳霜影薄  
十里寒雞曉聲顫欲睡不睡聞嚴更天半高城雪初斂  
充州府城居人早作事燈火食力惟勤德惟儉聖人所教今  
則遺憑軾森然動遐眷須臾日氣射霜腳盡逐寒威上  
人面伸腰獨步亦不惡招手同行未應倦謂蘇賓馬河冰偶

懷古田舍詩節鈔卷一

齒

爾認狐蹤欲往從之恐中變出屋林風酒旗捲到眼炊  
煙馬蹄亂茅簷風味稱燒春入手深杯不須勸

貴雲西少宰

慶

見示出塞詩稿率題其後

絕漠臨渝北雄邊渤海西閭峰終古在詩境幾人齊六  
月來鵬翮三年信馬蹄吟邊迴首處秋色凜淒淒

正惜勲名掩文章彼一時度遼朱鷺鼓橫海皂雕旗得  
句邊聲讓懷人月影隨不緣行篋在奇景可能追

聞道丁令塞猶傳敕勒歌戰場行處有王氣北來多弔

古逢元鶴班春問紫駝天江曾幾度洗淨動星河

正此

長白山北流東折入海今名松花江松花者清語  
轉音所謂天河也故又名天江見少宰詩自注

開歲 丙戌

開笑東風已不閒又吹春色落人閒二分新綠仍含凍  
一角遙青漸抹山無計雪中疎酒盞有人樓上夢刀環  
馬蹄蹀躞真堪笑

鳳闕峩峩詎易攀

焦山四首

金焦兩山江口橫尹邢南鄭原齊名莊嚴蕭散各有態  
世眼區區分重輕東坡天人尙未達信宿懷慙方啟行

懷古田舍詩簡鈔卷一

奎

海雲娟娟咫尺耳何至窮獨拚殘生夜來巴僧有鄉夢  
空谷蹻然當白鷺

石排山前浪作堆芙蓉樓下估舶迴紅船一霎剪江去  
焦君招我青巍巍是時風伯惡作劇天吳出沒聲喧逐  
癡龍勸汝一杯酒爾亦英物堪余陪子桓佛狸一粟贍

飲江不渡空手回

寺門出沒吞天光慰眼皆云波不揚寺門外石壁大書海不揚波四字胡

少保宗憲筆也紅塵自避龍象地白雨偶過鷗鷺鄉陳陳周鼎

積古色年年宋竹添新篁崖顛陸字沒深土海底陶銘

嵌曲廊

陸放翁題名半沒於土  
瘞鶴銘嵌東廊壁間

方信蓬萊會清淺與誰

俯檻論滄桑

梅州老仙來幾時粉墻墨汁猶淋漓

吾鄉宋芷灣觀察  
湘大書方丈門外

云每來勝地常思鶴  
如此名山已姓焦

名山區區不余畀似怪古人先占

之家鄉亦有好泉石風雨羅浮常合離浪遊自要犯塵

土鶴怨猿悲君不知嗟余笑人亦自笑風波雨雪方驅

馳

甘露寺

長天空濶不驚鷗第一江山看早秋淮海金焦煙點點

懷古田舍詩節鈔卷一

空

維揚燈火夜悠悠四雄龍虎悲陳迹六代鶯花想上游

治內人材今未減憑欄屈指問誰優

趙松雪甘露寺詩  
平南籌策張華得

治內人材  
高亮優

與熊笛江馬止齋崔心齋古階平章仁山諸孝廉

遊西湖作

靈隱實幽勝勝在寺門外巽巽冷泉亭終古枕寒瀨香

山去已久一盞欲誰酌穹窿入深洞高宇仰渾蓋遺迹

傳楊髯像設作狡獪冬青有餘哭冥福詎容句誰歟實

致戎天步此狼狽峩峩秋壑題誤國汝為最兀坐巖影

遊衫積秋靄如聞歸猿啼秋秋答林巖

光境尤勝在靈隱中行穿寺門去一路幽篁風好

不避人高歌花竹叢龍蛇萬竿影夾道篩玲瓏借問

江潮如雷殷高空老僧開閒門指點晴雲東夢禪有

遺墨落紙煙空濛祕寶斬旅人想像心忡忡寂寥不可

久悵惘辭龍宮回瞻吟詩處高懸斜日紅

露安一都會離宮皆渺茫行客不過問何論半閒堂岳

嶺寄湖北宰樹陰青蒼頗怪邨野人時來奠椒漿階前

四凶長踞羅成行先生不沖真反接拖銀鐙秦檜妻王氏賜

懷古田舍詩鈔卷一

宅

生兒陸佐墓志頑鐵亦何辜何不爲干將艱難賊中

依撫浙時以所遺兵器鑄墓前四像遺臭垂千霜論功以行戮

此恨誰能償直道在人心千古爲嗟傷

沿隄踏秋陰秋柳猶春姿沽酒五柳居魚羹非昔時緬

一翁冷暖泉自知玉局繼芳徽休暇來吟詩西湖

景幸爾當昌期銷金陋南渡半局空支持豈如採

夏諺書山迎

旗一百二十年幾度鐫穹碑至今世已往園林有餘

添遺事問野翁曾上春臺熙

錢塘舟中次階平韻

北去空成萬里遊，南來還上五湖舟。  
意中山水逢人問，眼底風波覺世浮。  
識路誰能如老馬，忘機從此狎閒鷗。  
羅浮煙雨珠江月，塵土東華許換不。

龍遊道中柬笛江

浩浩灘聲抑復揚，濛濛山色照篷窗。  
須臾石上雲生洞，新婦巖前雨截江。  
每見邨居思寄室，愁聞風起盼移樁。  
前舟幸有同心侶，顧影時如白鷺雙。

廣信道中

懷古田舍詩節鈔卷一

矣

九萬誰能副壯圖，八千終日算歸途。  
平看北斗知家近，反使南風覺路紆。  
得雨菰蔣煙裏熟，渡江鴻雁晚來孤。  
鄉園正好登高節，猶及黃花酒一壺。

望龍虎山

秋天縹杳淨遊氛，福地嵌空證昔聞。  
龍虎氣高雲五色，蟾蜍光滿月三分。  
全家誰占山林福，斯世吾猶鳥獸羣。  
肯借團瓢安旅枕，不辭來禮玉晨君。

泊武索

灘初戒夜晚泊問漁艫，神霧迷三里。  
南風占一窗沙

痕危褪水星彩靜搖江愁絕長庚氣寒芒肯漸降

初聞西域

北過棉津渡南連桐角灘箭流摧岸易弦月出山難久  
早蟬聲渴迎秋石氣乾前途歸夢穩一爲報平安

### 崑崙灘

崑崙連武索一十八灘聲不雨雲常暗無風石自鳴人  
家閒好在客夢險曾驚四百前頭路梅關敢計程

### 虔州道中

雨餘山色涼野夢墮秋爽溼雲蕩朝暉空濛娟孤榜起  
來一長嘯形役心自賞行懷蘊隆憂久畏篙石響好語  
聞長年灘聲夜來長

### 度大庾嶺二首

看盡燕齊楚越山依然撒手度梅關尙餘壯志橫胸在  
稍覺鄉音入耳蠻題柱功名眞夢裏勞薪滋味慣人間  
紛紛鵬鷗何須較一樣飛鳴總未閒

關南秋色闌然開便有鄉雲照眼來漠漠人煙連越嶠  
明明山脈接朝臺入天石瘦多奇骨拔地松高倘異才  
我以磨牛陳迹遍梅花曾見不須猜

風波

風波嘗盡世情刪雲水看多旅況閒剩有高眠銷白日  
寧無奇句答青山聞雞又長英雄氣攬鏡還驚壯士顏  
塵土枉勞身萬里江城豈少屋三間

香爐峽

萬壑千峰紫翠閒野風吹動碧孱顏陣雲不散夫人廟  
氣空銷太尉山事過關河空險阻地偏魚鳥任疎頑  
行在涯在羨煞漁樵落日還以上節鈔  
橙船集

嶺南勸耕詩

懷古田舍詩節鈔卷一

東風入新年海氣吹淺綠茫茫湖花田矮矮榕樹屋開

燈聚鄰里添丁酒新熟粵俗正月十三日里社結棚開  
燈里中去歲生子者出添丁酒

醉忘人城中來打春適寓目今年土牛黃爆花不須卜

迎春日聚東郊觀土牛競以紅豆五色米擲之日打春  
古書云土牛頭黃土熟又田家五行志雨水節以苧婁

占年字婁花今視我翻根泥理我戽尾瀆明朝擇黃

道送兒入鄉塾農亦從此忙流光甚奔促正月

耐翁來行田不食舊年水提要錄社翁不食舊  
水故社日必有雨曉來新

雨過生機益然起瓦盆預安排浸種及時矣波平吹鴨

頭泥輒排雁齒南岡麥可殺高田亦須理二月收麥其  
田漚至四月



有正月收者春耕尋手勞古語已如此勞擾也齊民要術  
耕待老牛爾毋疲美終在勤始不見鶉鳩聲濛濛木

棉裏二月

春不分不暖禾不分不强忽忽及清明處處傳栽秧載

肥白水桶擔禾黃篋筐一蘸一蒔之布列各有行之糞謂肥

分秧時讌而彎身鶴俯啄筋骨豈不傷日午家人來白

時之禾易長飯聞魚香非無多牛翁批耕安且良佃田曰批耕不如甘微

勤食力味更長三月

種山候星尾種潮候水節廣東新語瓊州芒種日以星候秧柳犁尾星出則秧死豬

懷古田舍詩節鈔卷一

三

尾星出則秧黃二星在南極下古未有名又潮田或曰雄田即駱田也三四月乘水節種之秧艇下

雄田來往快一瞥東家鹽罷燒西潭草亦絕是時天四

空踏浪萬頃雪堂堂沙頭來督作甚嚴切淋灰及潮退

螟蜺敢萌孽豚蹄祝夫人風醉神自悅明年沙裙生燈

歌報神烈沙田一歲種草四歲種禾禾既收以海水淋程燒為鹽其尤濱海者曰沙潭總佃日沙頭

新生子沙日沙裙每日兩潮上時毛蠓頭蛤蜊之屬隨來傷禾預以灰治之曰淋灰所祀禾穀夫人附會之曰

姜嫄實不知其何神也四月

出耘及五月稻花亦已齊蕭蕭天無雲田水如琉璃上

有炙背日下有沒蹠泥忽然白雨來更被相蒸炊諺云早禾

壯須白種此景那易繪此情焉敢疲不受路人憐不求官府知回頭語大兒此田曾祖遺但願汝能勤常如吾此時五月

六月早造成

一收謂之一造

是為小豐年深頭荔枝熟蔞藕皆

森然果物不足珍去去行吾田芄芄大小暑

名稻

粒粒垂

朝煙收割喜及時嘗新隨所便墻東芋屋開雜煮香拳

拳

諺云六月六開芋屋耕者多切芋成粒和米煮為飯不能全食稻也

小人貴知足何必

羅葷羶積儉抵常豐人力可勝天

六月

上穀納官倉次穀私廩盈餘穀棲畝閒飼鴨亦長成處

懷古田舍詩節鈔卷一

七

處結緣茶邨邨田了聲

廣東新語東莞麻涌諸鄉以七月十四日為田了節兒童爭吹

廬管相慶謂之吹田了十五日孟蘭會相餉龍眼檳榔曰結緣潮州謂之結星

田事詎易了晚

北方催耕漚臺及分秧愛此處暑晴秋風來何時餘熟

力與爭

七月熟更甚謂之爭秋熟

縱橫水松陰十里溪流清作勞且

暫憩上有涼蟬鳴

七月

七月天雨金八月天雨銀

諺語

雨夜休雨晝晝雨傷禾身

奠田事已畢暫得為閒人昨日作秋社今朝祠祭新

宗祠

九重秋祭常公社後舉行

藹藹見昭穆油油任天真微胙出先澤孩

雅有必均醉話夕陽中此樂難具陳嗟哉逐末徒去鄉

離六親 八月

江鄉不知寒雲山四時翠微霜變烏柏始覺有秋意出

門行黃雲雲濶浩無地潮來龍骨鳴潮去禾蟲醉禾蟲狀如

蜈蚣長一二十寸無種夏秋開早晚稻將熟蟲自根出俟潮長入田乘潮出海邨民因網取食之西風吹

黃魚拍拍開兩翅聯翩海上來趁此煙雨穩但願年屢

豐飲啄爾何忌黃雀亦名禾花雀較五雀微小綠毛紅距九月從海上來千百為羣以禾花為

糧相傳黃魚所化至十月乃復入海廣湖瀕海地沃行彌望數百里皆田在其食無害於稼土人網取食之蹂踐所傷較雀食更多故有降占行可收霜降收者名降占場圃

田之家恒禁人獵取云

當預治 九月

懷古田舍詩節鈔卷一

孟冬大禾熟嶺南尤重晚造名之曰大禾晚收當此時田車挽獨輪

鄉艇撐瓜皮日入捆載歸庭宇香纍纍餘利及寡婦秉

穗有滯遺豈惟積高廩社倉無所虧君看大田彙可備

終年炊幸哉太平民鼓腹當雍熙歌舞答神庥報賽焉

敢遲 十月

行船不饒風耕田不饒土諺穡事既以登餘力及蔬圃

晚造既登或蔬或麥謂之春花實三收也冬泥須早翻舊隄亦當補人言農

家樂所樂在辛苦東鄰習奢逸被服賤麻縷今年已賣

田兒輩當記取隨分畢婚嫁努力撐門戶莫嫌鄉風陋

此事自太古十一月

同南地氣暖臘鼓聲和柔酒孃宜老人新釀已可芻刮

塘魚正美橙櫨非外求團欒聚兒孫色笑何油油傳聞

雷瓊閒新秧此時抽雷瓊閒皆三收十二月沃土何必

羨惟勤服先疇乘屋及閒暇犁耙亦當修舊雷接新雷

明春當有秋十二月

寄送芸臺 宮保師移節滇黔

天許西南借福星乍聞離思滿滄溟衣冠氣遠羅浮暗

繖蓋雲高洱海青塞接黃龍聽約法洞懸白鹿阻談經

懷古田舍詩節鈔卷一

古

從今永墮孤寒淚不用蠻碑更勒銘

玉斧山河盡九陔碧雞光景動三台迎船鐵柱扶雲出

界地金沙擁雪來佛國見聞從古幻荒陲禮樂要人開

堂堂百尺文章樹定向龍天到處栽

回首檐帷駐十年棠陰無恙記旬宣門傳清德因畱石

民以長生報請天不信滄桑真有數從知旱潦本無權

君看萬里零丁水都是南人續命田西江歲為廣肇兩府之患公增修桑

密圃禦之又 奏請夷船載米 人口免稅自是穀不可勝食矣

誰為明都記典章百年文獻不尋常直教山水驚知已

猶有星辰待表彰，籌海深心懸日月。授時良法在農桑。

南方草木經題品也，識威名不易忘。修廣東通志增載南極以下星數百

皆古所未名者，海防圖備載商夷出入要隘臺壘，港口以及風占沙線船械所宜，皆舊志所無者也。

風簷大庇路人知，道光四年增修貢院羽扇談經又此時。六年建學海堂

於粵秀山月集諸生課之碧湧一堂收海色，涼浮萬卷閒花枝。方校刊

皇清經解存板於學海堂中正慙侯霸為都講，且喜桓榮是本師。吳以

石華蘭修林月亭伯桐會勉士劍趙平垣均吳雁山應遼熊笛江景星馬正齋福安及榮八人為學海堂學長

朝夕仰瞻模範在，千秋何敢負相期。諸學長屬蔣香湖上舍畫公像刊石

中堂

懷古山舍詩鈔卷一

壹

跛僮何因逐雁翰，強隨鞭策上長安。穠穉可笑羊公鶴

塵土猶封貢禹冠，養母又勞分義與。公以六月去粵時榮計偕未返承雷

賜百金報知惟有立名難，焦桐畱得終何用。抱向知音一

可彈

二月十六日遊星巖作 丁亥

騎馬北門出，捫星天上行。大巖當斗魁，羅羅冠羣英。洞

天做石扇十畝秋，縱橫暗澗水方咽。無風雲忽驚，根疑

帝有醉坐聽鈞天聲

北海託神府，巖石久不磨。景福標洞門，盈丈高差峩。後

來于湖叟亦復賡長歌我來別蒼蘚乙乙親摩挲此外  
徒紛紜瑣細不足科

巖西引別洞反宇延天光鑿翠架虛簷凜然生午涼魚

山五岳人夢此華山當

馮魚山比部  
書夢華軒額

如何坐珠海倏忽

思金方始知目憐心出入無何鄉

穹窿五丈巖錯落鍾乳滴飛來白蝙蝠終古飲殘瀝逢

逢石中鼓老衲導余擊因心象隨構積氣聲乃激餘響

殷高空前邨和漁笛

螺絲巖

卽天  
柱巖

懷古田舍詩節鈔卷一

五

言尋螺絲洞三返不得門僧雛笑指示古井當山根委  
身始由竇仰攀如戴盆濛濛蘚花積似有手足痕宛轉  
知幾盤忽漏熹微瞰豁然出籠檻再得觀乾坤巖樹老  
無葉珊瑚碧蜷蜿時聞暗香來絕壁寒芳蓀高臺署得  
月人世俯可吞蕭然絕塵想別有晨與昏想當兵燹殷  
避世空山邨但須籌米鹽何愁長兒孫山晚凜莫留已  
有歸雲屯遵途下深窅四壁仍微捫洶洶聒兩耳下有  
洪濤喧一墜不可取出幽招我魂

仙掌巖

我從雙源來仙掌遠招客翩然煙雨中吟肩欲誰拍雲  
根繫吾馬振袂杖輕策老榕黝當關漠漠人世隔攀髯  
出其梢快若整六翮危懸一逕冷翠轉兩崖書怪石噴  
客來伸臂與人格側身避其鋒俯視萬仞墉山僧大兒  
戲編葉護讖隙愚人亦自愚冥心付雙屐縱幽膽再鼓  
出險步暫擲擊蓮孰名寺寺濶蓮瓣窄遊蹤戒垂堂君  
看蘇花積吾聞金天西三峰巨靈擘巍巍石蓮花終古  
神所宅大小雖差池奇勝爭咫尺老僧初不知微笑意  
殊斥如云一邱壑吾自守吾僻何勞苦依傍妄擬古來  
迹感此心茫茫再扣惟啞啞孑然近有道從之苦冥蹟  
遙鐘送歸窣冷語再三繹

出米洞

選勝不嫌遠行行隨夕陽入戶轉翠屏天井開堂皇高  
居儼像設離立何煌煌冰桃與火棗隱起東西墻當年  
誰氏居恐是平泉莊罡風轉萬物立槁成奇礪傳訛更  
可駭石竅流餘糧可供一夫食無事謀倉箱愚人不知  
足開鑿求倍償從茲闕靈迹永絕貪夫望我聞青華觀  
米穴龍川岡亦以貪故室事在唐會昌又聞鬱單越珠

炊名燄光眠食曲躬樹香果生衣裳彼人幸寡欲此樂  
殊未央若逢無厭子福地安可常老僧聞我言一笑成  
坐忘慨然感斯世營營吁可傷

乘月上玉屏巖

攀援百丈鎖直上三天門行穿珊瑚樹遠挹玻璃盆三  
仙劍佩杳半山樓觀存仙掌寄雲中乙乙森可捫

由三仙觀

東上十數武石上有仙人手足痕

透迤含珠徑白日猶黃昏崩石久未

墮絡之枯樹根匍匐入廣殿寶鼎浮宵瞰不知何年物  
主此山林尊絕頂路漸微導師頰老髭濛濛俯眾岫瑣

懷古田舍詩節鈔卷一

夫

瑣皆兒孫玉樓有故人天上招詩魂當時此嘯傲擘窠

留爪痕

巖畔有儀墨農克中題名

琅然動鐵馬天風來九闈帝座呼

吸通懍懍吟聲吞

龍母廟

龜山西去趁朝晴龍母廟前春水生夾道紅棉三十里  
往來都踏落花行

閱江樓

一夜南風變曉晴閱江樓上坐江聲平蠻諸將今誰是  
試向穹碑數姓名



獨遊頂湖宿慶雲寺作

我隨江水下羚羊知有龍湫在上方獨認鐘聲尋路曲

似聞禽語笑人忙雲歸深壑添寒信月阻前山失夜光

多謝山靈勤導引數星神火出迷陽是日所見如此到寺已夜半矣僧言

神火歲恆數見且言山中歧路甚多若非神火導引將迷途矣

萬綠崑巖削不齊青蓮花裏湧招提四欄嵐氣圍燈暗

一夜溪聲壓夢低出世稻梁誰計較胡方伯募千金為棲壑置田御之立

不置田產約今入山門戶尚排擠清波在慘同開山同

刊置寺開壁上徒一機成鷺住山與清波之徒等航等相大相水火成鷺撰鼎湖志凡開山碑狀有稍及清波勞動者悉為竄

懷古田舍詩鈔卷一

堯

易志末山中難事一卷尤為調識凌晨且赴靈湫約看

叱天邊萬丈霓

觀龍湫作

龍湫知我為渠來到枕飛騰竟夜猜破夢舊聞羅漢市

洗心今上涅槃臺氣含遠樹千林溼聲噴晴雲一道開

待挽銀河浣詩筆卽今誰是謫仙才

羅隱深

攜得名山夢幽懷祗自知月衾渾在水風鵲未安枝江

魚登小... 鼓遲竭求詞客地隨例且吟詩

招同任齋笛江昆吾玉生泛舟荔枝灣任齋有詩

次韻和之

特地雙橈破曉煙來同荔子作豐年清樽多謝攜紅友

任齋自攜家釀

秀色何須對絳仙畫裏亭臺鷗鷺國枕邊風月

菱荷天還應榮戟知同樂不阻西來訪戴船

是日大府宴客李園

舟從如雲久待笛江玉生未至

獨樹 己丑

獨樹磯頭又晚晴散衣閒作看雲行荷風吹亂田田字

蛙壘翻齊閣閣聲隨地消搖增眼福聽人辛苦說躬耕

懷古田舍詩節鈔卷一

六

瓜棚豆架義皇境休羨人閒畫餅名

陪謝里甫師熊笛江同年蔡芸圃郎中

元芳遊荔

枝灣題唐荔園主人冊子

咫尺城西路人傳罨畫谿樹從唐代有歌選越謳齊水

曲三分占雲紅一色低亭臺須點綴莫負酒常攜

好事浮邱伯移家畫裏來人隨梅雨到窗對藕風開荔

社真須約鷗鄰已不猜年年銷夏處文酒得追陪

山簡曾遊地豐碑手自題

芸臺師交遊爲書詩碑

笙歌黃篋舫士

女白銅鞮漢迹今何在唐遊事莫稽祗應千載後還有

阮公隄

邛壑平生志，煙波半日身。  
蟬聲涼送客，花影倩窺人。  
便欲捨書買眞思，卜築新綠蓼青簪。  
笠常作荔枝民。

過海幢寺與隱公行園

碧林煙重午光遲，紅指甲花開一枝。  
故故鵲聲啼不住，鏡空堂北雨來時。

綠陰如海竹林間，輸與蟬聲盡日閒。  
肯借維摩方丈地，便來築屋看青山。  
海幢無見山地，惟園北竹林開盡。攬江北諸山若築亭據之，勝境也。

石壁道中

懷古自金甌鈔卷一

全

落日章浦汎推篷，信所之一篙新淥轉十里好山隨石。  
氣奔江斷旗聲掣，雨危戍樓誇鼓角，故故入雲吹。

書范素庵上舍清詩集

范君早任俠，晚榦收春華。自得養生印，觀世了不遮。  
浩然塵土中，迹邇心則遐。今年櫻筍時，我嘗過君家。  
示我神仙書，披披走龍蛇。餅鏞自位置，必有時新花。  
一卷冰雪文，常恐俗子誇其韻，則已絕其量，不可涯。

讀君鸚鵡詩，如悟吉辭寡。聰明不可恃，毛羽枉安雅。  
人憐竟何用，路兒殺君馬。而况悠悠中，誰是知音者。  
君又

吟凍雀甘居鵠雞下稻梁千里慳風雪一枝啞此言疑

謂我抱影伏鄉社擁鼻欲和君瀟瀟竹鐙地君鸚鵡詩云誰使能

言語半纏韉上纏憑將一生巧博得眾人憐寵比乘軒鶴情同去國鵠羽毛猶自愛修刷向簷前東雀詩云凍

雀噪簷前啾啾真可憐稻梁何處足風雪此時偏冷眼看雞啄微躬笑鵠鷺久饑毛羽悴抵抱一枝眠

西谿有梅田一白四十里昔嘗夢到之移家不自揣君

來顧我笑吾詩正云雨花龕近已辦書鄰况堪倚謂嚴厚民

耦耕倘有志入社自茲始殷勤謀居停瑣屑計婦子君力

勸余遊杭州一言肝膽見高義風雲起世復有此歟我初識

君耳

懷古田會詩鈔卷一

全

贈李宗淮

七齡作字大於屋終日温經高過肩百二研為新石友

所蓄研一百二十其師樊昆吾皆為銘之兼以名齋五千卷是舊門櫛尊甫藏書至多傳

來黃蠟鐫名早披上紅綃跨馬遲院試歲科取進題名錄坊市皆以蠟板刊

印傳賣發落日例有花紅簪獎二十乖張真不必回頭說與叔綱知時淮

兒亦試童子被黜故云

蘇賓岫庶常庭春來遊羅浮其歸也同人集海幢

寺送之笛江為作黃龍觀瀑圖屬余亦墨其上

余與阿笛為羅浮之約屢矣賓岫遠處七千里

外今乃遂能先我豈不怪哉行矣賓岫吾計決  
矣當君驢子背上風雪中是吾與笛江上石樓  
渡鐵橋坐梅花邨外飛觴醉月時也當舉酒南  
望賀我

我訪羅浮不能至女紫男青敗人意羅浮訪君亦奇哉  
公然入君筆底來黃龍瀑布天下絕一折兩折再三折  
萬松涼灑水心風四壁晴飛日邊雪青鞵布韞來幾時  
年年說食不療饑七千里外客飛到千仞峰頭已振衣  
海幢寺中一杯酒今年更負羅君否松風亭下梅花開  
記取青山落吾手此時此客久相違囊中攜我羅浮歸  
請到金臺試迴首卷裏白衣猜是誰

題蘿岡僧四世像

見說蘿陀寺空山後鶴鄰三閒雲背屋四代畫中人勝  
踐我初阻去冬與笛江心齋往遊尋寺不得路重期歲又新梅花相識在

一笑問前因

爲翁二銘學使題石室傳經圖學使封翁石室先生任海州教諭

時作此圖

君不見成都石室祀文翁又不見仙游石室記馬融地

以人名更代謝海州石室亦其亞蓉城桃核散香霞玉  
局琵琶傳月夜琵琶聲歇書聲新誰其主者儒丈人冷

局十年甘苜蓿秋棚五畝闢荆榛荆榛一變爲桃李丈

室琴歌公自喜海濱鄒魯待陶甄眼前飢溺誰料理

海州水災率諸生倡捐助賑

人言經濟屬經師自信教民如教子子舍

虹光燭上台五雲扶履上蓬萊端州石室星巖道天遣

元成持節來來暮歌成爭浣濯傳經仍守專門學好壁

蠻牋作後圖已看胸石祠先覺

以上節鈔學海上集

